

# *ILISIKU LILA PA KALIVARI*

 Ndaga ugwe, Nkundwe Neville. [Nkundwe Neville ikuyoba, “Akusaye ugwe, nkundwe.”—Nsimbi.] Kyala akusaye ugwe, Nkundwe Neville. Ndaga ugwe, nubwīngi fiyo.

<sup>2</sup> Ulubunju ulununu, bīnangu. Ikyene kyo lusako ukuya apa ku nyumba iyi kangi, ulubunju ulu, ukumbombéla u Ntwa, mu njila ya kulūmbilila i Lisyu nukwīputila ababine. Kangi une ndi gwakupalisyia fiyo panongwa ya lisiku ili.

<sup>3</sup> Kangi une nswīgile, itolo bo une ngwīngīla. U nkundwe alinkusegeléla nukuyoba, “Une ndikulōnda ukuya bo ugwbukoma unsitakufwana uyu abūmbulusígwe.” Umwēne yo Nkundwe Wright. Une nalimmwīputile umwēne, kangi u Ntwa āmbumbulwīsyé umwēne lōsa. Kangi umwēne isīle pala, ukulila, ukumbonia ikiboko, nukuyoba ūkuti—ukuti umwēne ikulōnda ukupālisya u Ntwa panongwa—panongwa ya kuya mbumbulusígwe. Umwēne ālōndága ukugomokela nukupa ulupālisyo. Ikyēne kyo kyōsa kikīndile. Umwēne yo—umwēne yo nubupelelesye ali kanunu lilino. Uswe tuli bakupālisya panongwa ya ama buketi aga.

<sup>4</sup> Kangi Charlie, ugwe na Nkundwe Jeffries, linga umwe mukulōnda, isaga kuno nukwēga ifikota ifi pamwanya apa. Kangi umwe mwe bākwāmbililígwā ukukindapo, popāpo umwe mutikufimbilisígwa ukwīma. Unkundwe uyungi pala, kangi Nkundwe Wood, itolo isaga kumwanya kuno. Ugwe guli...Apa palipo akanini, amabuyo mabili apa pa kibenchi, popāpo umwe mutikifimbilisigwa ukwīma. Une ngwītīka, amabuyo mabili apa, kangi, ena, umwe mubagile ukuya bakukīnda ukwambililígwā ukwīsa nukwēga amabuyo aga.

<sup>5</sup> Uswe tuli basangalufu uku...Une ngusubila ikyēne kyāyobígwe, akabalilo kamo, “Une nāli nsangalufu akabalilo kāko abēne bāybobile kwa une...” Kyala akusaye ugwe, nkundwe. [Nkundwe ikuyoba, “Akabalilo kosa une nīganile ukuya kifuki ku ndumbilili.”—Nsimbi.] Ndaga ugwe. Ndaga, ndaga ugwe. “Une nāli nsangalufu akabalilo kāko abēne bāybobile kwa une, unko uswe tubūke mu nyūmba ya Ntwa.” Ulo lo lusako akangi busangalufu ubwa Nkristi, ukubūka ku nyūmba ya Ntwa.

<sup>6</sup> Ngukelengania, ngukēta bīngi fiyo ba bīnangu nkati, ulubunju ulu, une nhobwīke ukukīnda pa iki. Une ndi nsangalufu ukumbona Nkundwe na Kalumbu Dauch apa, ukufuma ku Ohio. Une ngukēta Nkundwe na Kalumbu Armstrong kunyuma kula, injila yōsa ukufuma ku Ohio. Kyāla abasaya umwe mwēsa, nūmwe. Kangi, o, itolo ngukelengania, ugwe kukēta bīngi fiyo, ikyēne kikuyaga mu luko lwa kuya

kikafu ukuya ni ngamu syābo syōsa. Kalumbu Hoover, uswe tulī basangalufu ukubona ugwe nkati, ulubunju ulu, ukufuma kula mu Kentucky. Kangi Charlie na Nellie, Nkundwe Jeffries ni kikolo kyāke, kangi itolo bīngi fiyo muno, ukufuma pānja pa kāya.

<sup>7</sup> Popāpo uswe tukugūlila akabalilo akakulumba mwa Ntwa, ulubunju ulu, tukugūlila Kyāla ukwāgána na uswe mu njila ukutusaya imyoyo gyītu kangi ukubōmbéla kwa uswe ifīndu ifi uswe tufūmbílwē.

<sup>8</sup> Kangi bo une ngukēta pa mwanya pa buyo, linga une ngubükāga ukubilikila bōsa abīnāngu ukusyūngutila apa, une ngwēgāga ulubunju ulunywāmu ukukīnda, ukuyoba abakīndáne bala. Kikumbela une ukwipilika kanunu ukugomokela ku kipāngā, ukukēta bōsa abāndu nkati, ukwisa ukwāgána.

<sup>9</sup> Ngimba ikyene kikuyaga fiki akabalilo kako uswe tukufika ku Mwanya, kangi uswe tukwāgána Kula ku kabalilo akakulumba kala aka kusitakumalika, ubulilanisi Ubwasyēpwā palikimo, ukusyūngutíla i Kikota kya Kyāla, kangi isayo silasila isi uswe twēsa twālikyēlile? Uswe, Kula, twisakupelwigwāga mu bufwānē Bwāke, kangi mu kifwani Kyāke, kangi na Mbepo Gwāke pa uswe, ukuntufya kangi ukumbombela Umwēne kwa Syēpwā gwēsa, nasiku ukuya nkatale.

<sup>10</sup> Inogona itolo, kakayapo na kalikōsa aka ugwe ubagile ukwinogonela, aka ugwe gwīganile ukubōmba, lōli mwa apa na apo ugwe kukatala mu kubōmba ikyēne. Charlie, une ngusakisya ugwe na une tifwīmīle abalukoti ukukīnda kalikōsa aka uswe twīganile ukubōmba, mu njila ya cuti, lōli, umwe mumenye, ugwe kukatala ikubōmba ikyēne.

<sup>11</sup> Kangi une—une nīganīle uku—uku bēta, ukufika mfyāmba kangi itolo nukubēta. Lōli une ngukatala, utubalilo tumo, ugwe kulōnda ukubōmba ikindukimo ikīngi.

<sup>12</sup> Kandi une nīganīle ukwēndesyā. Utubalilo tumo une ngufikapo ukwipilika mu luko lumo ulwa kukatala nu kusililika mōsa, kangi indepa sili pa lwēnge. Une ngunyēla itolo mwigali lyāngu nukusōkápo, nukwikoleléla ku kipopotolelo, ngubūka ukusuluka pa nsebwe, ngwimba, “Une nhobwike fiyo ukuti une mbagile ukuyoba une yumo mwa bene,” pamo ikindukimo. Itolo ukukamata ikipopotolelo kila, nukwīmba, nukukanyanga ikilündi kyāngu, nukuywēga. Kangi, ukukindapo akabalilo, une nguya nkatale, kangi polelo une ngugomokela ku kāya nukwānda ikindukimo ikīngi.

<sup>13</sup> Lōli akabalilo kāko uswe tukufika ku kwīputila Kyāla mu Kitāngalala kila ikipta, patisakuyapo siku akabalilo kakukatala, itolo—itolo kisakuyaga lusayo, itolo nkyēne kangi nkyēni. Lōli, ena, uswe twisakwanduligwā akabalilo kala. Uswe tutisakuya ngati mūmo uswe tuyīlile lilino. Uswe

twisakuya bakīndáne, fipelígwa ifikīndáne ukukīnda iki uswe tuli akabalilo aka. Popāpo, uswe tuli basangalufu.

<sup>14</sup> Une ninogonaga itolo. Une ngamanya kali une mbombilemo siki, ukwāndisyá iki pamo mma. Nkundwe Charlie, utubalilo tumo iyolopu, une nālī kula mu Kentucky nu mwēne, kangi umwēne alinkuyoba, “Nkundwe Branham, ugwe kwīnogóna, mu Fyīnj’elifu, ugwe na une twisakufwíma abalukoti?”

Alinkuti, “Une ndikwīnogona lūlo mma, Charlie.”

<sup>15</sup> Alinkuti, “Mulimōsa, uswe twākiganile ikyēne kanunu fīyo,” alinkuti, “ugwe—ugwe kwinogona uswe twisakubōmba akabalilo kāko uswe tukufika mu Fyīnj’elifu?”

Une ndinkuti, “Umma, patisa nakimo ikyākugogígwa mu Fyīnj’elifu.”

Kangi umwēne alinkuti, “Mulimōsa, uswe itolo twākiganile ikyene.”

<sup>16</sup> Une ndinkuti, “Charlie, bule linga une nābagile ukusōnga ugwe ukwītika ukuti akabalilo kamo ugwe gwāli ngulube, kangi ugwe gwāfyūkile ku bündu bwapamwanyapo, ukuya bündu bwa mündu? Ngimba ugwe ubagile ukubükámo siku, ukulōnda ukugomokela nukwīkyēlo ubwikyēlo bwa ngulube?”

Alinkuti, “Umma.”

<sup>17</sup> Une ndinkuti, “Uketile, ugwe kuyaga gwapamwanyapo fiyo ukukīnda i ngulube, lilino, ugwe gwe mündu, ugwe ukabagilámo siku ukulōnda ukuya ngulube kangi mma.” Une ndinkuti, “Lilino bāsania kila ka elifu kalongo, kangi ikyo kyo iki ugwe kwisakuyaga akabalilo kāko ugwe gwāndulígwe ukufuma kuno ukubüka iki ugwe kwisakuyaga. Ugwe siku ukulonda ukuya mundu kangi mma.”

<sup>18</sup> Uko ko katalusya. Ikyēne kisakuyaga kindukimo ikikīndáne. Une nsangalwike fiyo itolo panongwa minōgona ga ikyēne, mmenye ukuti ilisiku limo uswe twisakufyūka mmwanyapo.

<sup>19</sup> Mulimōsa, lilino, linga u Ntwa ikwītikísyá, Pandungu ugwe gukwīsa, ili lyo lisakuyaga kifuki...Polelo une nguyaga pakusōkápo, ukubüka pānja mu Wyoming, nu mwīnángu unnūnu; pamo pānja mu Idaho, nu mwīnángu unnūnu gwa une, Nkundwe Miner Arganbright, Nkundwe Clayt Sonmore, aba Christian Business Men.

<sup>20</sup> Undungu ugu gukwīsa, undūngu ukufuma ugu gukwīsa, go lilino; i lya 7, une mbagisēnie ukuya mu—mu Dallas, Texas, ku Voice of Healing Convention. Kangi ikilo kya kuyoba kwāngu po pa lya 7. Kangi polelo une ngugomokela, ukubüka kula mu Idaho nu Nkundwe Arganbright kangi na ba Christian Business Men. Kangi lumo nguyaga ni kilo kimokyēne ku Minneapolis, bo uswe tukāli ukusōkápo. Kangi polelo ikyākulya kimokyēne ikyabulēmbúke kya ba Christian Business Men.

<sup>21</sup> U Ntwa ītikīsyé, Pandungu apa pikwīsa kulubūnju une ngulōnda ukuya ngomokīle apa pa kipāngā kangi, kangi linga ikyo kyākwitikisígwa nukuya bwīgáne bwa Ntwa. Kangi une ngulōnda ukuyoba pa ntu gwa *U Kafulafúmbi Nkati Mu Mbelo*, linga u Ntwa iganile. Ikyēne kikuboneka ukuya pa ndūmbúla yāngu, undungu gōsa.

<sup>22</sup> Kangi ulubunju ulungi, nalōli ndubunjubunju, kifuki isala ya buna ndubunju, une ndinkusumuka nukulyāga ilmogónó ili, “Ilisiku lila pa Kalivari.” Kangi une ngulonda ukuyoba pa ikyo, ulubunju ulu: *Ilisiku Lila Pa Kalivari*.

<sup>23</sup> Kangi lilino ku bubale ubu, unko uswe tusanuke lilino mu Mabāngéli gítu, mu Lisímbo, kwa Nongwainunu ya Mwikemo Matai, pantu gwa 27. Kangi uswe twisakwāndaga ni linandi lyā 27 nukubala akayabo ka Lisímbo ili, ukwēgapo ulwālo lwītu, polelo uswe twisakwānda nakalinga itolo. Kangi ukufuma bubōmbelo bwa bulūmbilili, polelo uswe tukuyaga nu lwīpúto ku babine.

<sup>24</sup> Kangi, o, ukufuma pa kabalilo aka kākīndágá apa, itolo ukutwāla ukugomokesya, kangi ukufwānikisya kwa butumigwe bwāngu bwa luko lupya. Une nāli nago amabukēti gakugomokela mīngi ukukīndápó ukufuma ku lukomano lula ukukinda mūmo une nguyīla nago mu kabalilo kalikōsa akatali.

<sup>25</sup> Kilipo ikindukimo ikya kufwana, ukuti ugwe kufīmbilisígwa ukufikila u mündu, kisita kupāsyá fyo filinga ifikīndakipeligwa fikunāngisígwa. Lōli, muketile, ulubūmbulusyo lukufimobilisígwa ukuya pa lwītiko lwa mündu pamwēne. Lilino, linga u mündu pamwēne ali nu lwītiko . . .

<sup>26</sup> Kangi abene bikuketa, ngati, bo yu Mbepo Mwikemo ikubuka pa kilundilo kangi ikuyoba, “*Kyakuti-kyakuti* ifindu fyābonike. Kangi, nukutu, ugwe gwe *yakuti-na-yakuti* ingamu. Kangi ugwe kufumila ku *bwakuti* ubuyo. Kangi *ikyākuti* ikīngi iki ugwe ubōmbile. Kangi ikyēne kisakuya nu *iyi injila*.” Kangu nukukēta kyōsa kya ikyēne kikuboneka itolo mu njila yila!

<sup>27</sup> Pōpe, yumo, itūgésye pala, abagile ukukēta mmwanya nukuyoba, “*Yula abagile* ukuya Kyāla. Une ngwitikisyá ulubūmbulusyo lwāngu.”

<sup>28</sup> Lōli, mbuyo mwa kila, yumo yula ikuyoba, “Ala amaboko pa une kangi nyīputíla une, ukuti une nisakubūmbulusígwa.” Lōli umo mo mūmo uswe tumanyisígwe kuno kwa America, kangi, popāpo, ukwītika ikyo. Kangi ikyo kyo nalōli Kyammasimbo.

<sup>29</sup> Lōli lilino uswe tukwāga, mu Africa na mabuyo amakīndáne, itolo kileka ikindukimo bo kila kiboneke, ikilündilo kyōsa kikufikila palapala pa mwanya ka kabalilo kamokeney, bikwitikisyá ulubumbulusyo lwābo, panongwa yakuti abēne bakamanyisígwa nakimo. Muketile? Abēne bakamanyisígwa bōpe nulubūmbulusyo. Kangi polelo akabalilo kākō abēne

bikukibona ikyo, abēne bikumanya ukuti aliko Kyāla uyu mūmi. "Kangi linga Umwēne mūmi, Umwene—Umwene yo gwapamwanya, kangi Umwene—Umwene ikubumbulusya." Kangi ikyo kyo kyēne, panongwa yakuti ulwālo latalile lwālīgwe, inyālo, ukuti Umwēne yo mbumbulusi, kangi ikubūmbulusya abāndu. Polelo akabalilo kako abēne bikukēta u Kuyapo Kwāke kukubōmbéla ukwisila mu Kipanga Kyāke, polelo abēne bikuyoba, "Ikyo kyo kyene. Ikyo kyo kyosa iki uswe tukufūmbwa."

<sup>30</sup> Lōli uswe tumanyisigwe "ukwala amaboko pa Babine," ni findu bo ifyo. Fyobene ikyene kitikubombag'imbombo mwa America uyu.

<sup>31</sup> Lilino, kumbukilaga, Pandungu ugu gukwisa kulubunju, u Ntwa itikisyeye, Nkundwe Neville isakufumusya ikyene, ena. Kangi...i... *U Kafulafumbi Nkati Mu Mbelo.*

<sup>32</sup> Lilino, une nabapaga umwe akabalilo kanini ukusanuka mu Masimbo ginu, kwa Matai 27. Unko uswe twande ukubala ku—ku linandi lya 27, lya Mwikemo Matai. Lilino unko uswe tupilikisyé kifuki ku bubale.

Kangi abasikali ba ndagili balinkmmwege Yeso nkiyumba kya kilundilo, nukubungania ku mwene ikibugutila kyosa kya basikali.

Kangi balinkumfula umwene, nukumfwika umwene unselekesye unkesefu.

Kangi akabalilo kako abene bo balukile ingiga ya mifwa, abene balinkuyibika iyene pa ntu gwake, kangi ulutete mu kyake...ikiboko: kangi abene balinkufugamo ikifundo pankyen pamwene, nukummugila umwene, bikuti, *Fyusigwaga, Mwalafyale gwa ba Yuda!*

Kangi balinkufunya pa mwene, nukwega ulutete, nukuntika umwene pa ntu.

...ukufuma pa kuti abene balimmugilile umwene, abene balinkwega unselekesye ukusosyapo pa mwene, nukumfwika pamwanya imyenda gyake gyene pa mwene, nukundongosya umwene ukusokapo ukwakunkomelela umwene.

Kangi boa bene basokaga panja, abene balinkummwaga unnyambala gwa ku Kilene, Simoni i ngamu: yula balinkumfimbilisya ukupimba ikipingika kyake.

Kangi akabalilo kako abene bafyukile kumwanya, babukile ku buyo ubu bwakoleligwaga Goligata, uko ko cuti, ubuyo bwa lupaya,

*Abene balinkumpa umwēne ubusase ubu bwālyongénanike na kayongo:...bo umwēne ōnjile ukufuma mu bula, umwēne alinkusita kunwa.*

*Kangi abēne balinkunkomela umwēne, nukutafulania imyēnda gyāke, nukubōmba ubulagusi: ukuti ikyēne kibagile ukufwanikisigwa iki kyāyobīgwe nu nsololi, Abēne bayabene imyēnda gyāngu pakati pa bēne, kangi pa fyākufwála fyābe abēne balinkubōmba ubulagusi.*

*...bitūgésye pāsi abēne balinkunkētésya umwēne pala;*

*Kangi balinkubīka...pamwanya pa ntu gwāke ubustake bwāsīmbīgwe, UYU YO YESO U MWALAFYÁLE GWA BAYUDA.*

*Polelo pala bālipo abahiyi bakomelīgwe nu mwēne, yumo ku kiboko ikililo, kangi uyūngi ku kimāma.*

*Kangi abēne—abēne aba bakīsaniágaga balinkunkemela umwēne, bikupugusa imitu gyābo,*

*Nukuyoba, Ugwe gwe gwābongotwile i tempeli, nukuyēnga iyēne mmasiku matatu, ipoka gwīmwéne. Linga ugwe ubagile ukuya Mwanundumiana gwa Kyala, sulukaga ukufuma pa kipingika.*

*Mulamula bōpe abapūti abakulumba bikummūgila umwēne, na basīmbi na bakulumba, balinkuyoba,*

*Umwēne āpokile abāngi; yumwēne akabagila ukwīpóka. Linga umwēne yo Mwalafyāle gwa Israel, unko umwēne asuluke ukufuma pa kipīngīka, kangi uswe twisakumwītíka umwēne.*

*Umwene āsubilaga mwa Kyāla; unko umwēne lilino, linga umwēne isakumpokaga umwēne: kabuno umwene ātile, Une ne Mwanundumiana gwa Kyāla.*

*Abahīyi bōpe, aba bakomelīgwe nu mwēne, balinkubikámō silasila mmino gābo, mmino gāke.*

*Lilino ukufuma isala ya buhano-na-yimo kulinkugwa ingīsa pamwanya pa kīsu kyōsa mpaka ku sala ya lwele-na-yimo.*

*Kangi kituki isala ya lwele-na-yimo Yeso alinkukūta ni lisyu ililāte, ikuyoba, Eli, Eli, lamabachtani? uko ko kuti, Kyala gwāngu, Kyāla gwāngu, nongwa ya fiki ugwe undāgīle une?*

*Bamo mwa bēne aba bālīmīle pala, akabalilo kāko abēne bāpilikē ikyo, balinkuti, U nnyāmbala uyu ukubilikila Eliya.*

*Kangi nukatalula yumo...alinkubopa, nukwēga ikiyofuyofu, nukukiyubika ikyēne mu sīki, nukukibika ikyēne pa lutete, nukumpa umwēne ukuti anwe.*

*Abāngi balinkuti, Unko ayege, unku uswe tukēte kali  
Eliya isakwīsága nu kumpoka umwēne.*

*Yeso, akabalilo kāko umwēne ākutile kāngi ni lisyu  
ililāte, alinkupa unsyūka gwāke.*

*Kangi, kēta, ikikīngo kya tempeli kilinkulepukana  
mbubili ukufuma ku mwānya mpaka na pāsi; kangi  
ikīsu kilinkusenyendeka nalōli, kangi amalyālabwe  
galinkubongotoka;*

*...amapūmba galinkwīgúka; kangi imibili mīngi ga  
bikémo aba bāgonile balinksumuka,*

*Kangi balinkusōkamo mmapūmba ukufuma pa  
busyūke bwāke, kangi balinkubūka nkaya akīkēmo  
nukubonekela ku bīngi.*

*Lilino akabalilo kāko unkulumba gwa basikali mia,  
na bēne bābo bāli pala nu mwēne, bikunketelela  
Yeso, balinkukibona ikisenyenda, kangi ifīndu fila ifi  
fyābōmbīgwe, abēne balinkutīla fiyo, bikuyoba, Nalōli  
uyu āli Mwanundumiana gwa Kyāla.*

<sup>33</sup> Unko uswe twīnamisye imitu gyitu pakabalilo akanandi itolo ku lwiputo.

<sup>34</sup> Ntwa, uswe tumenye ukuti Ugwe gwe Kyāla. Kangi ikyēne... Ukufuma pakubala ilisīsyā kangi ilikēmo i Lisyu, uswe tukāli tubagile ukukēta ukuti akayīlo Kāke kakāndukamo mma. Ugwe bwila gwe Kyāla. Kangi ikyēne kikuboneka ngati u Yeso yula ayaga nsitakuya nu butūli bulibōsa, ukuti Umwēne ālyēgīgwe na maboko amabibi kangi ākekīgwe ntupatu, nukuswēlāpo, nukummūgila, nukutulikīgwa pa kipīngīka, ukusōk'ilo, ikufwa. Kangi kyābonekaga ngati bukālipo nubutūli nabumo, nakumo, mpaka yōpo Umwēne alinkukūta, Mwēne, "Kyāla Gwāngu, Kyāla Gwāngu, nongwa yafiki Ugwe undāgīle Une?"

<sup>35</sup> Lōli, Ugwe kubōmbela nkabalilo kakuti akabalilo kāko nakimo ikīngi kibagile ukubōmbéla. Uswe tupegīgwe ukumanya, Ntwa, ukuti linga uswe tuli ni fisoko filifyōsa ifi uswe tukabagila ukuloboka, linga uswe tuli ni fyāmba filifyōsa ifi uswe tukabagila ukubūka ukukīndilila, Kyāla yo kalyoto mu kubōmba ifīndu ifi abāngi bakabagila ukubōmba.

<sup>36</sup> Ugwe yogwe kalyōto, pa mbombo, namanga Ugwe gwāménye inongwa ya lisiku lila pa Kalivari. Ugwe, ukuya Kyāla, unsitampaka Yula, gwāménye isala iyi yābagile ukwīsa. Lōli akabalilo kāko iyēne yafwēne, polelo Ugwe gwānāngīsyē Ugwe gwāli Kyāla. Ugwe gwānāngīsyē Yūyo āli bwāna. Ugwe gwayūgénie ikīsu, kangi abikēmo aba bāgonile pāsi mu mfu bikwīsa pānja. Ugwe gwāsimisye ilisuba nkilo, ukuya ngīsi ya nkilo, ukunāngīsyā ukuti Ugwe gwāli Kyāla. Lōli Ugwe gwābonekāga ngati uli kimyemye akabalilo kōsa kala.

<sup>37</sup> Unko uswe, ukufuma mu iki, twēge inōngwa iyi, ukuti, akabalilo kōsa uswe tukwēnda mwa Mbepo, ndōngosígwe ni kuboko kya Kyāla, kisitakupasya iki kikuboneka ukuya kisobi, pōpe uswe tukukēta Kalivari; Kyāla isakuyoba mu sala indalusye, pa kabalilo akatalusye.

<sup>38</sup> Lilino, Tāta Kyāla, uswe tubagile ukusuma uluhobokelo ulwa mbībi syītu kangi ingilario syītu. Uswe tubagile ukusumila Mbepo Mwīkēmo ukulōngosya uswe. Tulōngosyāga uswe, mūmo i Ngungubiya yalongosīsyé u Kang'osi. Unko uswe tuyege bākulipilika ku kilikyōsa iki kibagile ukutugwila uswe, tumenyé iki, ukuti Kyāla ikubomba ifindu fyōsa kanunu, kangi amenye ukuti ikyēne kisakuyaga kanunu.

<sup>39</sup> Yaga na uswe umwīsyúgu mbubombelo ubu. Uswe tukusuma ukuti Ugwe kwisakupokága bala bābo bali nkayīlo aka kupokígwā, kangi bikulōndesya ubupoki. Isusya bala nu Būmi Bwasyēpwā, bābo bikulōndesya bo ikyo. Uswe tukusuma ukuti Ugwe kwisakubūmbulusyāga bala bābo babine kangi bāmbúngō, bikulōndesya ulubūmbulusyo. Kangi uswe twisakukutūfyāga Ugwe panongwa ya ikyene. Uswe tukusuma ikyene mu Ngamu ya Mwanundumiana Gwako, Mpoki gwitu, Yeso Kristi. Ameni.

<sup>40</sup> Lilino, mu kuyobela kwa lubunju ulu, uswe tukunyonywa ukukōlélā ku butegambulukutu ku busīmbe ubu une nsalile ukuyobelapo: *Ilisiku Lila Pa Kalivari*.

<sup>41</sup> Ikyene kikuboneka ngati ikyene kikuyaga panini panja pa bukye; iki kibagisēnie ukuya pa Kihano Ikinunu. Kalivari abagile ukukumbukilígwa ilisiku llilyōsa. Kangi uswe tupilike ifingi fīyo ifya ilyēne, tubalile ifingi fīyo ifya ilyēne. Abalūmbilili balūmbilile pa ilyēne, ukufuma pa bwāndilo bwa kabalilo. Abīmbi bīmbile pa ilyēne, ukukīndamo mu ngulilo. Abasololi bāybōbile-ngāni ikyēne, ifyīnja maelifu mana bo kikāli ikyēne ukubonekámō siku. Kangi abasololi ba lisiku ili bikusosola kunyuma kūko bo ilyēne lyāboniké nalōli. Ilyēne lyo lisiku ilinunu fiyo! Ilyēne lyo limo mwa masiku amanunu mwa masiku gōsa aga Kyāla ālitikusyémō siku ukupānda pa kīsu.

<sup>42</sup> Kangi linga ilyēne lyo linunu lūlo ku luko lwa bündu, Kalivari, une ngwīnogóna ikyēne kyo linunu kwa uswe ukugomokela kunyuma nukukētéysa, ukukēta itolo iki ilyēne likusanusya kwa uswe. Namanga, une nsisimikísye, ku sala inyīle iyi ukuti uswe tukwītugala, uswe tukulōndesya ubununu bulibōsa ubwa Kyāla ubu uswe tubagile ukumanya. Kangi bōsa ubu uswe tukabagile ukubwāgánia, uswe tuli apa ukumanyila isya ubwēne, ukuketa iki kyo iki uswe, kangi iki Kyāla abombile kuli uswe, kangi keta iki Umwene aafingile ukuti ukubomba kuli uswe. Kangi ikyo kyo iki uswe tukwisila ku kipanga. Fyōbéné undūmbilili ikulūmbilila, fyōbène umwēne ikufunda nukwīnogonela mu Lisimbo, kangi ikulōndalōndela

ubupakígwe, yo fyōbéné umwène yo gwāmbombo gwa filündílo ku bāndu ba Kyāla. Kangi umwène ikugela ukwaga ikindukimo iki kisa...iki Kyāla ikufīmbilisígwága ukuyoba ku bāndu Bāke, ikindukimo iki kibagile ukubatula abēne. Lumo, ikyéne kibagile ukuya, kikubatobesya abēne mu ndumbula syābo, lōli kibagile ukuya butuli ukubafyūsyá abēne mmwanya, ukuti abēne babagile ukutāga imbībi syābo nukufyūkila mmwanya ukumbombela u Ntwa. Kangi abalūmbilili bikufīmbilisígwa ukulöndesyá ifindu ifi.

<sup>43</sup> Kangi ilisiku ili, ukuya linunu fīyo, limo mwa masiku amakulumba ukukīnda, unko uswe tukēte ku findu fitātu ifikīndáne ilisiku lila likusanusya kwa uswe. Uswe tubagile ukwēga bamia. Lōli, ulubūnju ulu, une nsalile itolo fitatu ifikīndáne, ifindu ifipala, ifi uswe tukulönda ukufikētalo, ku tubalilo tunini utu tukukōnga, ifi Kalivari āsanusyága kwa uswe. Kangi une ngusuma ikyo kisakutobesya untilwanongwa aligwēsa uyu alipo; ikyéne kisakupela umwīkémó aligwēsa ukubüka pa mafundo gābō; ikyo kisakupela umündu aligwēsa umbine ukufyūsyá ulwītiko lwāke kwa Kyāla, nukusōkapo, mbumbulusígwe; untilwanongwa aligwēsa, apokīgwe; ungomokela-nyuma aligwēsa ukwīsa kāngi, nukuya ni soni pamwène; kangi umwīkémó aligwēsa, ukusekela, nukwegwa ubukolelele ubupya nu lusūbilo ulupya.

<sup>44</sup> Ikindu kimokyéne ikikulumba, ikipala iki Kalivari ikusanusya kwa uswe ni kīsu, kyo, ikyéne kyabotísye ililälüsyo lya butulwanongwa, kamokene ku kabalilo kōsa. U nyāmbálá ālyāgígwe ntobesígwe isya butulanongwa. Kangi ubutulwanongwa bwāli bo lufundo ulu u mündu nayumo ābagile ukuhōmba. Ulufundo lwāli lunywāmu fīyo mpaka akālipo na aligwēsa mma uyu ābagile ukuhōmba ulufundo lula. Une naloliloli ngwitika ukuti Kyala āsayìle ikyéne injila yila, ukuti ulufundo lwābagile ukuya lumwamu fīyo mpaka nu mündu nayumo ābagile ukuhomba, ukuti Umwène ābagile ukubōmba ikyéne, Mwéne. Lilino, ulufundo lwa butulwanongwa bwāli bufwe. Kangi uswe tupāpígwé mbutulwanongwa, tubūmbígwe mbusambuke, twisile ku kīsu, tukuyoba ubusyōbi. Polelo pakalipo nayumo gwa uswe uyu āli gwakubagila, pamo, abēne balinkutoligwa ukummwaga nayumo pa kīsu uyu āli gwakubagila.

<sup>45</sup> Kangi ubutulwanongwa bakālyāndile pa kīsu. Ubutulwanongwa bwālyāndile ku Mwānya. Lusi...āli... Lusifala, u mōhesi, āli kipelígwa kitobesígwe, panongwa ya busāmbúke bwāke, bo akāli umwène ukutikámó ikisu nasiku. Ubutulwanongwa bwālyāndile ku Mwānya, kūkō Kyāla ābikile a Bāndumi, na fyōsa bo ifyo, pa lwālo lúla ulu Umwène ābikile abāndu pala; ubumanyi, umpiki gwa bumanyi, u mpiki gwa Būmi kangi umpiki gwa bumanyi, kūkō u mündu abagile ukwēga ubukētésyo. Kangi akabalilo kāko

u Lusifala āpēgígwe ifyakukubwāndílo, ukutēndéka ulusalo lwāke, umwēne ālōndága ikinukunupo ukukīnda iki Kyāla ali nakyo. Ikyo kyo kyālyāndile ulutamio.

<sup>46</sup> Kangi pala kwālipo ukulālusígwa panongwa ya butulwanongwa. Ukulālusígwa kwāli bufwe. U bufwe bwāli bo buhōmbe. Kangi, ikyo ko cuti, uswe twābagile ukubūka mbusolofu ubukulumba bwa iki, panongwa yakuti une ndikwitíka ukuti buliko lōli ubufwe bumobwēne. Bulipo u Būmi bumobwēne. Kangi une ngwítíka unnyambala uyu ali nu Bumi bwa Bwilanabwila akabagila ukufwamo siku. Kangi une ngwítíka kulipo ukuyōngā lōsa kwa moyo gula ugu gukōnángā, namanga i Bāngéle lyāyobile, “U moyo ugu gukōngángā, uwēne go nalolilōli gwisakufwa.” Komma u nnyāmbálā; “u moyo ugu gukōnángā.” Popāpo, Sétáno ikufimbilisígwa nalolilōli ukufwa, ukuya mbongotoke lōsa. Mūmo une ngukāníkána na banyakisukyōsa aba bikuti Sétáno isakupokigwa! Umwēne ātulilw'inongwa, kangi umwēne yo bwāndilo bwa butulwanongwa. Kangi u moyo gwāke gwātulilw'inongwa; kangi umwēne áli mbepo yimo. Imbepo yila yisakuyongesigwágā lōsa, ukuya nakimo kisyēlepo ikye iyēne.

<sup>47</sup> Kangi akabalilo kako ubutulwanongwa bwātikile ikīsu, ukugomokela ku bwāndilo, ngati ikitkīngō ikyo ngīsi kikugwa ukufuma ku myānya, ubwēne nalolilōli bulinkusisilikisa ikīsu. Ubwēne bulinkusopa ikipeligwa kilikyōsa, pa kīsu, na kyōsa kya kipeligwa kya Kyāla, mbupinyígwa. U mündu áli pāsi pa bupinyígwa bwa bufwe, bubine, lutamio, isulumanie. Ikipeligwa kyōsa kilinkugwa nu bwēne. Ubutulwanongwa bwāli go nkota gwākusisilikisa ugwe nalolilōli gwasililisye ikīsu. Kangi polelo uswe tukwitūgásya apa, basitalusübilo, 'nongwa yakuti ikipeligwa kyōsa pa kisu kyāli kyakwīlāmbika ku bwēne. Kangi aligwēsa āpāpígwē pa kīsu áli kyakwīlāmbika ku bwēne.

<sup>48</sup> Popāpo, ubwēne bwāfimbilisigwe ukwīsa ukufumu ku Buyo bumo kūko bukāliko nu butulwanongwa nabumo. Ubwēne bukābagile mma ukwīsa ukufuma ku kīsu. Yumo mwa uswe akābagile ukutabula unnīne. Ubwēne bwafimbilisigwágā ukufuma ku Yūngi.

<sup>49</sup> Polelo, akabalilo kāko a mündu āsyāgéne ukuti umwēne āpaguligwe ukufuma kwa Kyāla gwāke, umwēne alinkuya mbēti. Abēne balinkukúta. Abēne balinkulila. Abēne balinkusukulíka. Abēne balinkubéta ukusyūngutila, ukukīnda mfýāmba kangi ukukīnda mfilangalanga, bikulondolonda a Kāya kāko unjengi nu mpeli áli Kyāla. Kabuno, umwene amenye ukuti linga umwene āgomokilémo siku mu Kuyapo kwa Kyala, umwene abagile ukupoka ikyene nu Mwene. Lōli yikálípo injila nayimo ukugomokela. Umwēne alinkuya njōnge. Umwēne akāménye yo njila nki iyakusanukilako, popāpo umwēne itolo alinkusōka pānja, ukubēta, ukugela ukwāga pa buyo bumo apa umwēne

ābagìle injila ya kugomokela ku Buyo bula. Ikindukimo nkati pa umwēne kyālimbūlile umwēne ukuti umwēne ālisile ukufuma ku—ku Buyo ubu bwāli bupelelesye. Akayapo nayumo u mündu apa nkilundilo ikyakuboneka iki, ulubunju ulu, pamo nkilündilo ikyā tepi ya magneto, kūko iyēne yisakubūka ukusyūngutila ikīsu, akayapo nayumoywēne ntiga apa, pamo kulikōsa, lōli yūyo ikulöndalönda ubupelelesye bula.

<sup>50</sup> Ugwe kuhōmba ifyakumeleligwa fyāko, ugwe kwīnogona, “Ikyo kyo kikumasya ikyēne.” Akabalilo kāko ugwe gwāhōmbile ifyakumeleligwa fyāko, polelo alipo umündu yumo mbine mu nyūmba yāko. Akabalilo kāko ububine bukuya kanunu, polelo ugwe kuya nafyo ifyakumeleligwa fingipo ifyakuhōmba. Ikindu kyākwānda ugwe umēnye, inywili syāko sikwāndúka mbuha, kangi polelo ugwe kulönda ukugomokela nkeke. Kangi kilipo ikindukimo akabalilo kalikōsa, kingikingi, kangi panongwa ya liyiga líla ilya butulwanongwa. Loli mu ndumbula yako, panongwa yakuti ugwe kulöndesya kila, ikyēne kikunāngisyá ukuti bulipo u Bupelelesye kumo. Kumo, kuliko ikindukimo.

<sup>51</sup> Fyōbéné, utubalilo twīngi, umwīsyúgu, fikuti untuwanongwa akāli ikwēmbela palipōsa. U mmogi, undindwana unkeke isakutumula ififündikílo fya nywili syāke, ukuya mfumuke; ukwipakapaka pa kisyo kyāke, ukwipela umwēne ukuboneka mmogi; ukufwala imiyenda ukunāngisyá ububūmba bwa bündu bwāke. Panongwa yakuti, ikyēne kyo kyēne ikindu iki umwēne abagile ukwāga, ukwāga kubuyobumo ukugela ukwaga ikindukimo ukugomokela ku mwēne, akabalilo kāko umwēne abagile ukupela abanyāmbala ukupya ku mwēne, ukuyugānia amaboko ku mwēne, nukulēngúka ku mwēne. Abanyāmbala abakeke bisakubōmba ikindu kilakila ku nkīkúlu, ukugela ukwipéla mwēne mmogi ku mwēne. Abapalamani bisakuyēngá i nyūmba, nukuyitēndekesyá iyēne mu njila yimo, panongwa yakuti iyēne yisakuboneka nnunupo ukukīnda ubuyo bwa mpalamani. Ikyēne kyo kabalilo kōsa, uswe tukulöndesya ikindukimo, kangi ikindukimo kikūmulisyá ukubūka itolo panini pamwanya pa kyēne. U nkīkúlu unkeke isakwāga uyūngi unkīkúlu unkeke yo mfumuke bwīngipo ukukīnda umwēne. U mpalamani isakuyāga inyūmba iyi yikuboneka kanunupo ukukīnda iyāke. Unkīkúlu isakwaga unkīkúlu uyūngi afwele mu njila yimo, iyi yikuboneka kanunupo ukukīnda mūmo umwēne ikubonekela.

<sup>52</sup> Ikyēne kyo kindikumo mwa uswe, iki kikulöndesya panja kuli kindukimo, kangi ikyēne kikunangisyá ukuti uswe tuyōngile. Uswe tukulönda ukwāga ikindukimo kila kīkyo kisakutwāla uswe ku bwīkutile bula, ubu bwīsakwāga akabuyo ka njala nkati mula, lōli kikuboneka ngati uswe tukabagila ukukyāga ikyēne. Abāndu bāgelile ikyēne ukukinda mu nguliloo. Abēne balinkulilila ikyēne. Abēne balinkukūta. Abēne bābōmbile kilikyōsa iki abēne bākimene akabōmbelo kāke,

lōli pōpe abēne bakakyāgile ikyēne, bikwēmbèla palipōsa ukukīndamo nkīsu.

<sup>53</sup> Kubumalikisyo, ilisiku limo, ilyo lyo lila ilisiku lwa Kalivari, ālipo Yumo āsulwīke ukufuma ku Lwīmīko. Yumo, ni Ngamu ya Yeso Kristi, u Mwanundumiana gwa Kyala, Yūyo ālisile ukufuma ku Lwīmīko, kangi Kalivari alinkubūmbīgwa. Lila lyāli lyo lisiku ili untēngo gwāhōmbīgwe, kangi ililālusyo lya butulwanongwa lyabotesīgwe kwa bwilanabwila. Kangi ilyēne lilinkwīgūla injila ku kīndu iki kīkyo uswe tukuyīla ni njala ni kyūmilwa. Ilyēne lyātwēle u buyo bwa bwikutisīgwe. Akayapo nu mündu nayumo uyu ayātilamo ku Kalivari siku, nukunkēta mūmo umwēne ayīlīle, uyu abagile ukuyamo yulayula. Kilikyōsa iki umwēne ānyonywa ngamo siku pamo ukwīsyūkīla, kyafwānikisīgwa, akabalilo kāko umwēne ikufika ubuyo bula.

<sup>54</sup> Ilyēne lyo lyāli lyo limo ilisiku ilipala, kangi kimo kyo kīndu ikipala, ilyēne lyāyūgenie ikīsu. Ilyēne lyāyūgenie ikīsu, ngati ikyēne kikasenyendilemo siki pabutasi. Akabalilo kāko Yeso āfwile pa Kalivari kangi āhōmbile ililālusyo lya butulwanōngwa, ikīsu kyabutulwanongwa iki kyāli ni ngīsi pōsa. Ilisuba lilinkusuluka pāsi pakati pa lisiku, ilyēne lyāli nu kwilāmbika ukwālutēnde. Kangi amabwe galinkusenyendeka, ifyāmba filikulepuka, kangi imibili imifwāno gikupufuka ukufuma mwīpūmba.

<sup>55</sup> Ngimba ikyēne kyābōmbile fiki? Kyāla āsingile nkati, pa Kalivari. Umwēne āfulésye ikinyamana kila, kikukōlelīgwa Sētāno, kubumalikisyo. Lilino umwēne ayile ngāsi fiyopo ukufuma akabalilo kala, panongwa yakuti ilyēne lyātwēle u Bwēlu ku luko lwa bündu. Kangi aligwēsa amēnye ukuti ikinyamana ikifulasīgwe kikuya kigāsi ukukīnda, kikwāfula ukusyūngūtīla ni nyuma yāke yikonywīke. Lilino, Setano ikomigwe lōsa, pa Kalivari. Ikīsu kyāsisimikīsye ukuti ikyēne kyāli.

<sup>56</sup> Untēngo unkulumba ukukīnda ugu gwāhōmbigwēmo siku, yu Mwēne ntiga uyu ābagile ukuhōmba uwēne, alinkwīsa nukubōmba ikyēne pa Kalivari. Pala po pāpo untēngo unkulumba ukukīnda gwāhōmbīgwe. Kila kyāli kimo mwa findu. Kyala ālōndāga uwēne. Nayumo unnyambala āli gwakufwānamo. Nayumo unnyābāla ābagile. Nayumo umundu ābagile ukubomba ikyēne. Kangi Kyāla alinkwīsa, Mwēne, kangi āpelīgwe ukuya mündu, kangi alinkwitūgala ubūmi bwa mündu, pāsi pa finyonywo fya mündu, kangi ākomelīgwe pa Kalvari. Kangi pala, akabalilo kako Setano inogonaga ukuti Umwene akābagile ukubomba ikyo, Umwēne akabagile ukukīndamo mu kyēne, Umwēne ākīndilēmo mu Getisemani nu lugelo lulilōsa unnyāmbala aligwēsa ālikifyēmo siku. Umwēne ābūkilēmo mu kyēne itolo ngati banyāmbāla bōsa, lōli Umwēne āhōmbile untēngo.

<sup>57</sup> Kangi ikyo kyo iki kyatitwisyé ikísu lôsa. Kyâli ngati nkota gwakusililisya, ku bupânje. Akabalilo kâko ungângâ ikupa ikyakusilisya, umwène ikyâkwânda ikusilisya umwène lôsa, bo akâli umwène ukubagila ukubômba ikyène. Kangi akabalilo Kyâla âpêle u—u bupanje kuli i Kipânga, ikísu kyâlyâmbilile ikyakusilisya, ikipeligwa kyâli ni figili. Yo nongwa! Kyala, mu mbili gwa bundu, âfwaga. Iyène yâli sala iyi ikísu kyâlondísye, na pâpo bîngi ba bène bakiyiménye ikène.

<sup>58</sup> Mûmo ukwène kuyîlile umwîsyûgu, bîngi balondesísyé ifindu ifi, kangi na pâpo abène batikusyâgânia isyène. Abène batikuyâgania injila yâkusôkêla. Abène bikugela ukulondésya ifyakusangalusya ni fîndu fya nkîsu, ukugela ukuyâga injila yâbo iyâkusôkêla.

<sup>59</sup> Fyâlipo pala, fyâyilépo ifipânda fyafimanyilo ifi fyâsosôlile ku lisiku líla, gigîngi imisyungulu-pabutasi imikulumba. Ikyène kibîkîgwe unsyûngulu pankyenî na kang'osi, ni ngwâta, ni ngunde, na fyosa ifindu ifi, lôli na pâpo ikyène kilinkutoligwa ukwîgula ikyène. Ikyène kilinkutoligwa ukubongotola ubukamande bwa bufwe bula, kûko Sêtano âli nabo ikîsu.

<sup>60</sup> Galagala amalyâlbwe aga akabalilo kamo umwène ëndâga, pamwanya-na-pâsi pa kîsu, sufule impyano! Lisifala âli mwanundumiana gwa lubunju, kangi umwène endendekâga pa kîsu akabalilo kâko ikyène kyakâga umogësyo gwamoto. Imilyâlabwe gilagila igi gyâbotile, akabalilo kâko Yeso âfwile pa Kalivari, gîlinkutékwe pânja pa kîsu.

<sup>61</sup> U ntêngô ugu gwâhömbîgwe, kangi ubupinyîgwe bwa Sêtano bwatalulîgwe. Kyâla alinkubîka ukugomokesya mmaboko ga mündu, injila ukugomokela ku iki umwène akilondalondâga. Umwène akafimbilisigwâga ukulila kangi mma. Ukutika, akabalilo kâko Umwène âkonywîle inyuma ya nsana ya Sêtano, pala ku Kalivari, unyuma ya nsana gwa butulwanongwa, ugwa bubine! Kangi ikyène kikutwâla kilikyôsa ikîndu kyakufwa, pa kîsu, ukugomokela mu Kuyapo kwa Kyâla, ni mbîbi sihobokelîgwe. Haleluya! Imbîbi syîtu sihobokelîgwe. Nakamo kângi Sêtano akabagila ukutusimisa uswe ukufuma kwa Kyâla.

<sup>62</sup> Gulipo unsebwe unywâmu gupelîgwe. Yilipo i telefoni yibîkîgwe pala. Lulipo ulugoyw lwa Lwîmîko, lukutwâla umûndu aligwësa kubufikilo lwa lugoye lula. Linga u mündu iswîle nu butulwanongwa, ulwène lukumulungisya umwène mula pa katî. Umwène abagile ukuhobokelîgwa isya butulwanongwa bula. Kyene kila mma, lôli ubutulwanongwa bula buhömbîgwe. O! Ugwe utikulondîgwa ukuyoba, “Une ngaya gwakufwana.” Nalôli, ugwe ukaya, ugwe ukabagilémo siku ukuya. Loli ugwakufwana Yumo âlyégile ubuyo bwâko. Ugwe gwe mwâbûke. Ugwe utikufimbilisigwa ukwembéla

mma. Ugwe utikufīmbilisígwa ukuya mündu ndondesyafyakusangulusya panja pala pa kīsu.

Kabuno yilipo i Nyibuko yiswile ni Lopa,  
Yikwabigwe ukufuma mu Ndepa sya  
Immanueli,  
Kūko abatulanongwa bikwiybika pasi pa  
mōgésyo gula,  
Bikutāga innōna syōsa isya butobesígwe.

<sup>63</sup> Ugwe utikufīmbilisígwa ukuya njōnge. Gulipo unsebwewenywāmu, kangi i Njila, kangi iyēne yo yikubilikígwā Njila ya bwíkémo. Unsitakwēluka atikukilania pamwanya pa yēne. Namanga, umwēne ikwīsa ukwisila mu nyibúko, tāsi, kangi polelo umwēne ikwīngila mu nsebwe-unywāmu.

<sup>64</sup> Umwene alinkulasulania amaka ga Sētāno. Umwēne āligwile ififigo fya bamminyololo fya gehena, kuli mündu aligwēsa uyu ālīgalilígwē, nkisu iki, mu nyumba syaminyololo, ukutila ukuti akabalilo kāko umwēne āfwíle, iki ubufwe bukuyaga ku mwēne. Pa Kalivari, Umwēne āligwile ififigo fya mmnyololo fila, ukundeka unkamandigwe aligwēsa abükége mwābúke. Ugwe utikufīmbilisígwa kangi mma ukuya ndasuligwe pāsi nu butulwanongwa. Ugwe utikufīmbilisígwa kangi mma ukulāmbika imbakasya syāko ku butulwanongwa, ukunwa, ukukwēsa, ukulagusya, ukuyoba ubusyobi. Ugwe ubagile ukuya mwanaloli-ndumbula, ngolofu, kangi mwikígwā. Kangi Sētāno abagile ukubōmba nakimo isya ikyēne, panongwa yakuti ugwe uli nu bukāmānde bwa lugoye, u lugoye-lwa-Būmi ulu lo lukimisígwe mu Lyālabwe lya Ngulilo. Nakimo kibagile ukukuyugānia ugwe ukufuma ku Lyēne. Nagimo imibelo gibagile ukukuyugānia ugwe ukufuma ku Lyēne. Umma nakimo, komma na bu bufwe bōpe bwēne, bubagile ukutupāgúla uswe ukufuma ku lugáno lwa Kyāla ulu luli mwa Kristi yeso. Ikyo kyo iki Kalivari āsanusyágā.

<sup>65</sup> Abāndu aba bālī mmnyololo bālyābulígwē. Abāndu aba akabalilo kamo bālī pāsi pa lutēnde lwa bufwe babagile ukusitakutila ubufwe kangi mma. U mündu uyu ikusyūkile a Kāya, yūyounjēngi nu mpeli gwāke, Kyāke, umwēne abagile ukukanya pa nsebwe-nywamu, nukubika ikisyo kyāke kubwa ku Mwānya, panongwa yakuti umwēne yo mwābúke. Haleluya! Umwēne yo atabulígwē. Umwēne atikufūmbwa ukwēmbela kangi mma, kabuno yilipo injila iya kumanyila kali ugwe utalwīsyē pamo mma. Kyāla ikutupa uswe u Būmi. Imbībi syītu sikīndile. Ilisiku lila pa Kalivari lyāhōmbile untēngo. Akabalilo kāko uswe tukukēta kila, fyōbéné umwāti āsīmbile:

Nkati mmilyālabwe igi gikubaluka ni myānja  
igi gikugwa ingīsi,  
U Mpoki gwāngu alinkwīnama untu Gwāke  
kangi alinkufwa;

Ikikīngo ikyākwīgúka kilinkusetula i Njila  
Ku sangaluko sya ku Mwānya ni lisiku  
lisitampaka.

<sup>66</sup> Abraham atikufimbilisígwa ukwēmbéla kangi mma, ukukilania ikīsu, ikulōndolōnda a kāya. Untulwanongwa atikufimbilisígwa ukuswīga kāngi mma kali umwēne abagile ukupokígwpa pamo mma. U mündu umbine atikufimbilisígwa ukuswīga kali umwēne abagile ukubūmbulusígwa pamo mma. Ikikīngo kyākwīgúka, pa lisiku līla pa Kalivari, kyāsetwile i Njila ku bupōnjoli lōsa. Kyāla tupa uswe amaka ga Mbepo Gwāke, ukwītūgála nubuponjoli pamwanya fyōsa ifindu ifi; ikutusūma uswe kwēne ku kwītīka ikyēne. Kila kyābonīke pa lisiku līla ku Kalivari. Pakálímo siku ilisiku bo līla. Patisakuyamo siku límo bo līla. Iyēne litikulōndígwa kangi mma. Untēngo guhōmbígwwe, kangi uswe tutabulígwwe. Ndaga kwa Kyāla! Uswe tutabulígwwe. Kikayapo kangi mma ugwe ubagile ukuswīgilapo. Kukayako ukusakisyā kangi mma isya ikyēne. Iyēne yo yōsa yisōsigwépoy. Ikikīngo kyakwābile kunyuma ikyākusíga, kangi uswe tubīkígwwe pa nswebwe-unywāmu, komma ukuswīga kangi mma, lōli ukwītīka kangi itolo ukwēnda palapala nkycēni. Uswe tukwēnda mulamula nkati mu Kuyapo kułakula kwa Kyāla.

<sup>67</sup> Abraham āmenye, kangi abāngi bāmenye, ukuti akabalilo kāko abēne bālondalondaga a Kāya, abēne bāmenye abēne bāli ba kufumila Kubuyobumo. Ikindukimo kyābonīke. Abēne bitūgasýága nkīsu ikisililisígwe. Abakasenyénda balinkwīsa. Imibelo gilinkwīsa. Imibwīte nu migogana! U kāmbwe na kang'osi balinkulya yumo pa nnīne, pamo u kāmbwe alinkulya u kang'osi, kangi ingalamu yikulya ingambako. Ukwēne kutikuboneka kitalusye. Kilipo ikindukimo kisobi. Umwēne āmenye kyālipo ikindukimo kyāli kisobi. Abāndu na bakundwe bikugoga unkundwe; tāta ikugoga u mwanundumian, umwanundumiana ikugoga u tāta. Kilipo ikindukimo kisobi. Umwēne ikukāngála. Umwēne ikufwa. Umwēne ikukofoka ikubūka. Ububine buli pa mwēne. Umwēne ali mbupinyígwwe. Imipiki gikukula, lōli gikaya misitakufwa. Igyēne gikufwa. Ifyāmba fikwānduka. Inyānja sikūma mōsa. Amīsi gikutoligwa. Kilipo ikindukimo kisobi. Kangi umwēne alinkulōndesya ubuyo, a Kāya kūko kila kikabonekaga kangi mma. Umwēne āménye, linga umwēne ābagilemo siku ukugomokela mu Kuyapo kwa Yula yūyo āpelíle ikyēne kitalusye, umwēne ābagile ukupoka ikyēne nu Mwēne.

<sup>68</sup> O, lo lusako luki, ntulwanongwa, ulwēne luli, ulubunju ulu, ukumanya ukuti ugwe ili nayo i Njila lilino. Ilisiku līla ku Kalivari lyālīgwile i njila. Kabuno bōsa abatāta bala bafwimíle nu kulondēsyā, Kalivari ākipèle ikyēne kwa ugwe, kyaitolo. Ngimba ubagile bulebule ukukipika ikyēne? Ngimba ugwe ubagile bulebule ukukipika ikyēne, ukwīngila

ikipānga-kipāgúke? Ngimba ugwe ubagile bulebule ukukipíka ikyéne, ukupyanikisyapo ikindukimo panogwa ya kyéne, ifyakusangulusya fya kísu? Nongwa fiki kusita kukyítikisyá ikyéne? Ikikíngo ikyákwigúka kikutwála u mündu kulakula ukugomokela mu Kuyapo kwa Kyála, kisita butulwanongwa pa mwéne, ulwa luko lulilösa. Kangi ikubíka unsebwe pankyeñi pa mwéne, ku kíndi kila iki umwéne ikulöndésya: Kumwanya, Iwímíko, lutëngáno, Búmi Bwabwilanabwila, kilikyösa palapala pankyeñi pa mwéne.

<sup>69</sup> Ilisiku líla lyáli bu—bu ng'ape bwabufwe ku maka ga Sétáno. Ilyéne lyámasísyé kilikyösa.

<sup>70</sup> Kangi une mbagile ukumbona Umwéne pala; Umwéne áli yo kang'osi gwa Edeni, ukufuma ku nsyüngulu gulagula uwgåkwánta ugu gwálisile ukufuma ku yéne.

<sup>71</sup> Akabalilo káko Abelo, nu lwítiko, ápèle kwa Kyála ilikemo ilikínde pabunywámupo ukukínda Kaini, umwene abagile ukuti apinyile u—u mpesa gwa mafilu ukusyungutila ilikosi ly a kang'osi, ukunkwabila umwene ku lyalabwe. Alinkwega i—i lyalabwe nkiboko kyake, ukuya kyakulasila, nukukwaba untu gwake unnini kunyuma, nukutumula nukukekania umwene mpaka umwene afwile. Kangi ulusyoya lwake lulinkosigwa mwilopa lwake mwene. Umwene alinkugalabuka mu lilopa lyake. Ugwene gwali nsyungulu.

<sup>72</sup> Loli pa lisiku lila ku Kalivari, kakalipo a kang'osi ka kisu iki, loli akene kaali Kang'osi gwa Kyala, uyu afwaga, ukwibungulusya mu Lilopa Lyake Mwene. Umwene akekigwe, nukutumuligwa, nukutikigwa, nukusweligwa mata, nukusopigwa, nukung'api/gwa, na kilikyosa, ni kisu, kangi i Lilopa likutönya ukufuma mu fifundiko Fyake.

<sup>73</sup> Akabalilo kako akang'osi ka Abelo kafwile, akene kafwile, kakuyoba mu njobeló iyi Abelo akabagile ukupilikisyá. Akene kakolomaga.

<sup>74</sup> Kangi akabalilo kako Kang'osi gwa Kyala afwile pa lisiku lila ku Kalivari, Umwene ayobile i njobeló iyi nayumo abagile ukumpilikisyá Umwene. "Kyala Gwangu, Kyala Gwangu, nongwa yafiki Ugwe undagile Une?" Akene kali Kang'osi gwa Kyala, akekigwe ku tuyabo, atumuligwe mosa.

<sup>75</sup> Umwene ali yo Kang'osi yulayula uyu Abelo ali nagwe mu linogono, akabalilo kako umwene alubwene u Luyungu ulufingigwe ulwa nkikulu. Umwene ali yo Kang'osi uyu Danieli aketile, uyu akekigwe ukufuma ku kyamba, kisita maboko. Umwene ali yo Gudumu pakati pa gudumu, ku nsololi. Fyosa ifi abene baketile-ngani kyafwene pa lisiku lila, ilisiku lila ku Kalivari. Ikyo kyatwele ikindu ikikulumba mula. Ikyo kyakonywile inyuma ya Setano.

<sup>76</sup> Ikyakwanda, uswe tubagisenie ukulondesya iki ilisiku lila lyasanusyaga. Ikyabubili, uswe tubagisenie ukuketa iki ilisiku lila libombile kuli uswe, lilino, iki ilyene lyabombile kuli uswe. Lilino, ikyabutatu, unko uswe tukete iki uswe tukulondigwa ukubomba panongwa ya lisiku lila. Ngimba uswe tukulondigwa ukubomba fiki?

<sup>77</sup> Ikyakwanda, uswe tukufimbilisigwa ukuketa mu lyene, kabuno ilyene lyo lisiku ilikulumba, ilikulumba ukukinda lya masiku gosa. Untengo gwa butulwanongwa gwamasigwe. Amaka ga Setano gakonyoligwe.

<sup>78</sup> Kangi lilino uswe tukulonda ukuketa iki uswe tubagile ukubomba mu kugomola. Lilino, mu kugomola, akabalilo kako Yeso awfile ku Kalivari, pa Kalvari ilisiku lila, Umwene akahombie gu ntengo gwene mma panongwa ya mbibi syitu, lolii Umwene kangi ahombie untengo nukupela injila yakuti uswe twabagile ukukongesya Umwene; kabuno uswe, ukuya baAdamu abagwe aba batabuligwe. Bo u Mbepo alongwisye Adamu (Adamu gwakwanda) ukwisila mwa Mbepo, uyu ali nu bulagili bwa kipeligwa kyosa, polelo uswe (Adamu gwakibili), pamo abanyambala ba kisu batabuligwe na Kristi, ukufuma pa lisiku lya Kalivari, tubagile ukunkonga Umwene. Lilino, akabalilo kako Umwene awfile ku Kalivari, Umwene apelile i njila. Umwene apele mmwanya u Mbepo, Mbepo Mwikemo, uyu atumile Ikyene ukugomokesya ku kisu, kuli ugwe na une ukuya nubumi nakyo. Ikyo kyo iki Kalivari ikusanusya kwa uswe, ukunkonga Umwene.

<sup>79</sup> Ikyākwānda, kēta mu lyēne, kēta iki ilyēne lyabōmbile kuli uswe. Kangi lilino ngimba uswe tukufimbilisigwa ukubōmba fiki ukufwana ni lyēne? Ngimba uswe tukbagisenie ukubomba fiki?

<sup>80</sup> Lilino, uswe tukuti, “Ena, une—une ngupalisyá ikyo. Ikyo kyo kinunu fiyo.” Lōli uswe tukufimbilisigwa ukulitikisyá ilyene. Kangi ukulitikisyá ilyēne, ko kwitikisyá u Mündu Gwāke, Kristi mu ndumbula yītu.

<sup>81</sup> Polelo, uswe tukuya babuke ukufuma ku butulwanongwa, polelo sikayapo ni mbingo sya butulwanongwa situlikígwe pa uswe, napanandi. Kyāla, itolo ngati uswe tukatulilwémo siki inongwa, i Likemo ilipelesye lilinkutupela uswe bapelelesye. Kabuno, Yeso alinkuti, “Yaga umwe polelo bapelelesye, na mūmo yōpe Tāta ku Mwanya yo mpelelesye.” Polelo, kakayapo kangi mma nakamo akakubōmbigwa, lōli uswe tupelígwe ukuya bapelelesye mu Kuyapo kwa Kyāla.

<sup>82</sup> Lilino, apa po pala uswe tukutāga ubuyo bwītu. Linga uswe tutikukētésya, uswe tukugela ukukēta kunyuma ku iki uswe twāli. Kangi akabalilo kalikōsa uswe tukukēta kunyuma ku iki uswe twāli, i Likemo litikusanusya nakimo kwa uswe. O, umwe mukabagila ukuketa ikyene, ikipanga? Une ngabagile mma . . .

Une ngabagile ukugela imbombo. Une ngabagile, kangi nugwe ukabagile. Kukayapo ukufūmba nakumo ukwakugeléla. Ugwe uponjoligwe, polelo akabalilo kosa ugwe kuketa ku iki ugwe ubombile. Loli komma ukuketa ifi ugwe ubombile.

<sup>83</sup> Keta iki ilisiku lila pa Kalvari lyābombile kwa ugwe. Ilyēne lyahōmbile untengo. Ilyēne lyāmasisye ililālusyo. “Imbībi syīnu siyege bo bukesefu; isyēne sili bo bwēlu bo matalala. Ngesefu bo malesi; nyēlu bo masapa.” Polelo ugwe ukaya nu butulwanongwa mma. Ugwe gwe nubupelelesye nsitambībi. Kali ugwe ubōmbile fiki, pamo iki ugwe kubōmba, ugwe pōpe uli nsitambībi. Pena pāpo ugwe gwītikisyé Yeso Kristi ukuya Mpoke gwākō, imbībi syāko sihobokelígwe. Kalikōsa ko *kahobokelígwe* ko “kasyūmulígwe nu kwībwígwa.”

<sup>84</sup> Polelo ngimba ikyene kikubomba fiki? Ikyēne kikukupa ugwe, ukufuma ku kayīlo kala, Mbepo Gwāke, ukunkōnga Umwēne, nukubōmba mūmo Umwēne ābōmbile, kuli abāngi bābo bukukōngésya nkyēni. Umwene āli itolo Nnyambala yumuywēne, u Nnyambala umpelelesye. Umwene apele u Bumi Bwāke, kangi Umwene apēlile kyākuketelápo kwa ugwe. Lilino ngimba uswe tukufimbilisigwa ukubomba fiki?

<sup>85</sup> Lilino, ikīndu kyākwānda une ngulōnda ukuyoba, kyo kuti, Yeso akālitūgalilēmo Mwēne mma. U būmi Bwāke bwatāgígwe panongwa ya bāngi. Ubo bo, nubupelelesye, Būmi Bwabwilanabwila. Akabalilo kāko ugwe kuyoba ugwe kubūka ku kipanga, kangi ugwe kubomba ifindu, ikyo kyo kinunu. Loli akabalilo kako ugwe kwītūgásya ubūmi bwāko kwa gwimwene, ugwe ukaya nabo u Būmi bwa Bwilanabwila. Būmi Bwabwilanabwila, ko kwitugalila abāngi. Ikyēne kyasisimisyé ikyēne akabalilo kāko Ubwēne bwālisile mwa Kang’osi gwa Kyala. Umwēne ālitugéle, kangi āli nu Būmi Bwabwilanabwila, panongwa yakuti Umwēne akālitūgalile Mwēne mma. Umwēne ālitūgalile abangi. Kangi ugwe kwambilila u Būmi Bwabwilanabwila, ukwisila mu kwāmbilila ilisiku líla, kangi ugwe utikwitugalila gwimwene kangi mma. Ugwe kwitūgalila abāngi.

<sup>86</sup> Yumo āyobile, “Ngimba ugwe ubagile bulebule ukwīma, kundeka aligwēsa akubilikile ugwe ingamu imbībi bo sila?” Ugwe utikwitūgalila gwīmwéne mma. Ugwe kwitūgalila abāngi, ukuti ugwe ubagile ukutabula unnyāmbála yula. Umwe mukuya banabalumiana. Kangi ulutamio lwa kyēne lo ulu, ikipānga kibwībwé abēne bo banabalumiana. Ugwe gwe mwanundumiana. Ugwe kwēga ubuyo bwa Kristi. Ugwe gwe mwanundumiana, popāpo komma ukwitūgalila gwīmwéne. Itūgalila abāngi.

<sup>87</sup> “Mulimōsa, Nkundwe Branham, une mbagile ukwītūgalila nkundwe *uyu*, panongwa yakuti umwēne nalōli yo nnyāmbála nnunu.” Ikyo kikaya ikyene mma.

<sup>88</sup> Itūgalìla u nnyāmbála yūyo ikukubēnga ugwe. Itūgalìla u mündu yula yūyo ābagile ukugoga ugwe linga umwēne ābagile. Ikyo kyo iki abene babombile ku Mwene. Abene bālingōgile Umwene, kangi Umwene āfwile, ukuti Umwene abagile ukubapoka abēne. Ubo bo Bumi Bwabwilanabwila. Akabalilo kāko, ugwe, ikyo kili mu kipāmbaga kyāko, ugwe utalwile ku Mwanya kokuti. Lōli ugwe kutāga fifindu fyāko fyēne, ukufileka ifyēne fyōsa, mūmo ing'osi yikupēla ulusyōya. Ugwe kukēta nkyēni, kubwa ku Kalivari.

<sup>89</sup> Une ngusubila iki kikukutula ugwe ukuti ukuya m'buyo. Ikyo kyo iki ikipānga, ikyo kyo iki abāndu bōsa, bikufimbulisigwa ukubōmba, ko kusyāgania iki ugwe guli, kangi yo yiliku inongwa. Kipānga, kukaya kubūka ku kipānga itolo ukwakukuba inyīmbo, ukwimba inyīmbo. Kipānga bo buyo kūkō ubutetendekesyo busobi. “Ubulungi bukwānda ku nyuma ya Kyāla.”

<sup>90</sup> “Uswe tubagile ukwisyāgania twībéné bafwe, kangi babūmi kwa Kristi.” Polelo, Umwēne āpelile i njila ukuti uswe twābagile ukwīyipa twībéné, ukunkōnga Umwēne. Linga uswe tukunkōnga Umwēne, uswe tukwītūgāla ubūmi ubu Umwēne ālitūgéle. Ikyo kyo kinyafu.

<sup>91</sup> Yeso āyobile, kangi āyobile isya ikyēne. Unko une itolo mbapepo umwe ifyakwandisya finandi pa ikyēne. Pilikisyá kifuki. Komma ukupōndwa ikyēne. Yeso āyobile, pa Lisiku Umwēne āyágá pakupāgulania abāndu, ngati ng'osi ni mbene. Kangi Umwēne āyaga pakuyoba ku mbene, “Ima pa lubafu lwakīmama.” Kangi ku ng'osi, “Ima pa lubafu lwakililo.”

<sup>92</sup> Kangi Umwene alinkuyoba ku mbene, “Sokapo ukufuma kwa Une. Panongwa yakuti, une nāli ni njala, kangi ugwe ukalindyesisyé Une. Une nāli mmīnyololo, kangi ugwe ukalinjātīle Une. Une nāli ngelebune, kangi ugwe ukālimfwikile Une mma. Une nālyūmilwe, kangi ugwe ukālimbélé Une na kālkúnwa nakamo. Une nāli mbine, kangi ugwe ukālinjātīle Une mma. Popāpo, sōkápo ukufuma pa Une.”

<sup>93</sup> Kangi ku ng'osi, Umwēne isakuyōba, “Une nāli ni njala, kangu ugwe gwalinswilile Une. Une nāli ngelebune, kangi ugwe umbele Une imyēnda. Une nali mbine, kangi Ugwe gwalimbombile Une.”

<sup>94</sup> Kangi kētésya. Komma ukutoligwa ukupilikisyá iki, kipānga. Kyūngá iki mu ndumbula yāko, kwa bwilanabwila. Ikyēne kyo kisitamabyebye kyābōmbígwe! Abāndu batikubōmba ikyēne ukuya mbombo yābo mma. Unnyambala uyu ikupa ikindukimo ku yūngi, panongwa yakuti umwēne ikufimbulisigwa ukubōmba ikyēne, unnyāmba uyu ikukuswīla ugwe panongwa yakuti umwēne ikufimbulisigwa ukubōmba ikyēne, umwēne ali ni fūndo yabwīmi. Ikyēne kibagile ukuya būmi bwāko bulabula, akabōmbela kakako kalakala.

<sup>95</sup> Ikyēne kyāli kyakuswīgisya ku ng'osi isi, mpaka abēne bāyobile, “Ntwa, mo ndili Ugwe gwāli ni njala? Kangi uswe tukābagile ukukswīla Ugwe...Mo ndili Ugwe gwāli ni njala, kangi uswe twākuswīlile Ugwe? Mo ndili Ugwe gwāli ngelebune, kangi uswe tukupele Ugwe imyēnda? Mo ndili Ugwe gwalyūmīlwe, kangi uswe tukupela ikyakunwa? Mo ndili Ugwe gwāli mbine, kangi uswe twākubōmbile Ugwe?”

<sup>96</sup> Ikyēne kyāli itolo kyakisitaminogono ukufuma ku lugāno, itolo u Būmi Bwāko bwālitūgēle mu bēne. Kyāla, unko abāndu bakēte iki Kalivari ābōmbile kuli uswe, itolo kisitaminogono.

“Mo ndili Ugwe gwāli, Ntwa? Uswe tukamenyemo siku ikyo.”

<sup>97</sup> Kēta iki Yeso āsanwīke nukuyoba, “Mu mbwīngi mūmo ugwe ubōmbile ku aba, ugwe gwābōmbilile ikyēne kwa Une.”

<sup>98</sup> Ubūmi ubusitabwīmi; komma amīnogóno gakibili. Komma ukwīnogónapo ikyēne; lōli ugwe ufwīle ku fīndu fya kīsu, kangi gwābūmi fiyo mwa Kristi, kangi ukwēnda fiyo pa nsebwēnywamu, mpaka ifindu ifi fikuya itolo findu fisitakwinogonela. Ugwe kubōmba itolo ikyēnr. Komma ukuyoba, “Mulimōsa, lilino, u Ntwa ābagile, Ntwa, ukulōnda une ukubōmba ikyo.” Ikyēne kikaya ikyo. Ugwe gwe itolo kiyabo kya Mwēne. Mbepo Gwāke ali mwa ugwe, kangu ugwe kubōmbèla mu njila Umwēne ābōmbile. Aa! Naloli pilikisyा ikyēne.

<sup>99</sup> “Yilipo i njila iyi yikuboneka ndalusye ku mündu, lōli ubumalikisyō bwākē yo njila ya bufwe.”

<sup>100</sup> “Bakaya bōsa aba bikuyoba, ‘Ntwa, Ntwa,’ bisakwīngīla nkati, lōli abēne aba bakubōmba ubwīgāne bwa Tāta Gwāngū,” itolo ukufuma mu ndumbula syītu, itolo nubwābuke.

<sup>101</sup> Lilino, ilisiku lila pa Kalivari lyāhōmbile untēngo gula, ukuti uswe twābagile ukuya i njila yila.

<sup>102</sup> Komma ukuyoba, “Ugwe umenye, umfwīlwé Jones akabalilo kamo āli...Umwēne āfūmbilwe amakala, kangi une nābūkile kangi nālimmūlile umwēne amakala panini. Une ngukubūla ugwe, une nālimbwēne unkundwe uyu āfūmbilwe i suti ya myēnda, kangi une nābūkile nukwakummwāgīla umwēne i suti ya myēnda. Saya Kyāla! Une ne Nkristi.” O, mwe! Gwe mwīmi, ndondo, mündu mpelakisa. Ugwe gwe lisyobi.

<sup>103</sup> “Komma ukwītikisyā ikiboko ikilīlo kimanye iki ikīmama kikibōmba, kangi ikīmama kimanye iki ikilīlo kikubōmba.” Itolo fiyo kisitakwīnogonela mfwano mwa Kristi, mpaka ugwe kubōmba ikyēne. Ikyēne kyo kipeligwa kyāko. Ikyēne kyo butendekīgwa bwāko. Ugwe kubōmba ikyēne, mulimōsa. Ikyēne bo Būmi itolo ubu bukwitūgāla mwa ugwe. Ugwe gwe lōsa gwipéle kwa Mbepo yula, kangu Ubwēne itolo bukwitūgala itolo Bwēne mwa ugwe. O, ugwe kwipilika yula unsayigwa u Mbepo,

bula Bumi! "Komma une uyu ikwītūgála," alinkuti Pauli, "lõli Kristi ikwitūgála mwa une," itolo kyakusitakwinogonela fiyo.

<sup>104</sup> "Mulimosa, une ngukubula ugwe, Nkundwe Branham, uswe tuli Bakristi kuno. Uswe tukubatula abandu *aba*. Uswe tukubatula abandu *bala*." O, mwe! Isoni pa ugwe. Ikyo kikaya Bukristi mma.

<sup>105</sup> Ikikristi itolo kisitakwinogonela kibagile ukuya. Ikyene kibagile ukubombigwa. Kangi ugwe itolo kwībwa itolo, fyosya fya ifyo, "Une umma." Būka, bōmba ikyēne.

<sup>106</sup> Kristi itolo lōsa ukwīyipa u būmi Bwāke kwa Kyāla. Umwēne ālipèle Mwēne, ukuya gwāmbombo gwa filündilo, ku bāndu. Umwēne āpéle ubūmi Bwāke, mwaitolo. Umwēne akāfīmobilisígwe ukubōmba ikyēne. Umwēne akābōmbile ikyēne nulwīlūmbusyo mma. Umwēne akāyobile, "Lilino, bakundwe, umwe mwēsa mukulōndígwa ukwīnogóna ikilündiko kyōsa ikya Une, panongwa yakuti Une nisile ukufwila umwe." Umwēne akayobilemo siku ilisyu lya ikyene. Umwene āfwile, mulimosa, panongwa yakuti ikyene āli Kyāla mwa Mwēne.

<sup>107</sup> Ikyēne yo Kyāla mwa ugwe, ikyēne yo Kyāla mwa une, uyu ikutupela uswe ukuakēta ku bāngi. Ing'osi, pa lubafu lumo.

<sup>108</sup> Yumo mwa bene bikuyobaga, "Ena, Ntwa, une mbombole *iki*. Kangi, gwe Ntwa, une mbombole *ikyo*."

<sup>109</sup> Umwene aatile, "Sokapo ukufuma kwa Une, mwe babomba matingo umwe. Une siku ngabamenyemo nukubamanya umwe mma."

<sup>110</sup> Linga ikipānga kibagilemo siku ukwīsa ku fūndo isyālwālo sila, ukuti ikyēne kikaya kindukimo ugwe kugela ukubōmba, ugwe kwiyūla gwīmwéne ukubōmba. Ikyēne kyo kindukimo iki kipāpīgwe mwa ugwe.

<sup>111</sup> Nswaga une, bīnangu bāngu ba kiPentekosti. Une ne gwapentekosti. Lõli bīnangu ba kiPentekosti bafikilepo pa buyo, kūko ikyēne kikufīmobilisígwa ukuya i—i kilündiko kya bwīmbilo ubwēngo, ukutíka kwa bakuba-fīmbilo, pamo ukukuba mmaboko, pamo aba tamborini, ukutwāla u njwēgo. Ikyo kyo kyakwīpilika itolo. Abēne bikukuba mu bakuba-fīmbilo bo bakāli abēne ukubūka ku bwīte. Abēne bikubatwāla abāndu ku bwipilikisyo bwa bwīte. Une ngwītika mu bwīmbilo. Une ngwitika mu kukuba amaboko. Lõli une ngwītika mu fīndu ifi. Ikyo kyo katikati kyabwanaloli. Uswe tubagile ukuya nakyo ikyo.

<sup>112</sup> Lõli umwe mulekile ifīndu ifikulumba fisitakubōmbīgwa, bo būmi bula ubwīkemesígwa-bwēne ukuti Kyāla ikwītūgála mwa ugwe, kisitakwīnogónela ukubomba ikyo iki kyo kutalusye panongwa yakuti ikyene kyo kutalusye. Itolo ukukīndilila, komma nukwīnogóna nakimo ikya ikyēne. Itolo ukwītūgála ikyēne. Polelo ketēsy, ugwe kukēta iki kikukīndilila. Ugwe

itolo...ugwe utiku...Ugwe uli pa nsebwe-unywāmu. Ikyo kyo iki Kalivari āsanusyága kwa ugwe, pa nsebwe-nywāmu, ākwígulile mōsa ilisiku lila ugwe.

<sup>113</sup> Lilino, lilino kumbukilága, ugwe ukabagile ukuya sinda mbene kangi sinda ng'osi. Ifyēne fitikwisa kōnganikana mma.

<sup>114</sup> Lilino, balipo ikilundiko kya bāndu bīngi bikuyoba, “Ena, ugwe umenye fiki? Uswe tuli nakyo ikipānganio mu kibugutila kyītu. Uswe, uswe tukutūla abalōndo. Uswe tukubōmba *iki*.” Ikyo kyo kili kanuni, lōli ugwe kupūta ulupēmbe lwāko gwīmwéne ukufwana ni kyēne. Ugwe utikubōmba ikyo mma.

<sup>115</sup> “Ugwe bōmba ifyabupi fyāko mbutītu,” Yeso āyobile. Itolo kisitakwinogonela, ikindukimo kwa ugwe, kitikukinda ukubūka, ukwakunwa amīsi. Ugwe gwīmīlwe. Linga u nnyāmbāla unkōngw ūmīlwe, ugwe inogona isya umwēne, yōpe. U nnyāmba unkōnge yo mfūmbwe, ugwe inogona isya umwēne mulamula mūmo ugwe gwābagile ukufūmbwa kwāko gwīmwéne. Kangi komma ukutegelela ku kyēne. Itolo kindililaga ukwītūgála.

Lilino, ugwe ukabagila ukuya sinda ng'osi kangi sinda mbene.

<sup>116</sup> Polelo linga ugwe kuti, “Ena, ikipānga kyitu kilinakyo i kipānganio. Uswe tukupa ku balōndo, kangi uswe tukubōmba *iki*, kangi tukubōmba *kila*, kangi tukubōmba *ikingi*.”

<sup>117</sup> Linga umwe muli na ikyo kisita kila ikingi, u Būmi bwa Kristi mwa umwe, umwe mwe itolo lōsa mukubōmba ikyēne paitolo. Yeso...Paulo aatile, Bakorinti Bakwanda 13, “Palema nalinga une ngupa ifyōmbo fyāngu fyōsa ukuswila abalōndo, kangi nukubīka umbili gwāngu ukōkīgwe liyēge likemo, ikyēne kitikumfūnjila une nakimo.”

<sup>118</sup> Lilino, ikyo kyo kikafu, lōli ikyēne bo Bwānalóli. Ugwe kufimbilisígwa ukwīsa ku fūndo yila. Uswe tukuketa ikyene, kangi kuyoba, “O, ena, ikyo kyo kinunu.” Ikyo kikaya kika mma. Linga u Mwanundumiana gwa Kyala yula ābagisenie ukubūka ku Kalivari, ku bukomeligwe, u mwanundumiana aligwēsa uyu ikwisa abagisenie ukubūka ku Kalivari. Umwēne ikufimbilisígwa yōpe ukuya na Kalivari. Ugwe kufimbilisígwa ukuya ni lisiku lila lya Kalivari. Une mbagisenie ukuya ni lisiku lila lya Kalivari. Ilyo likubotesya ililālusyo lya butulwanongwa. Komma ukuponia amaboko nu ndumbilili; komma ukuponania ukwingila ikipanga; komma ukwisa mula na kalata; komma ukwisa mula nu kwifumusya. Lōli isaga mula nu Bupāpīgwe. Umwēne akapēlémo siku u kalata. Umwēne akapēlémo siku ubufumusye. Umwēne āpéle u Bupāpīgwe. Umo mo mūmo uswe tukwīngila mula. Polelo, ukufuma ku ikyo, kisitakwinogonela uswe tukwītūgala ubūmi bwa Kikristi.

<sup>119</sup> Lilino, ubuyobelo ubungi. Sinda mbene, sinda ng'osi, abēne bakaya nakyo ikindu bo ikyo. Ugwe uli mbene pamo ng'osi. Ugwe ukaya sinda mbene kangi sinda ng'osi mma. Ugwe uli mbene pamo ng'osi.

<sup>120</sup> Lilino, linga ugwe itolo kubomba ifindu ifinunu, nukwinogona ugwe ubagile ukwingila mula, ukwisila mu ikyo, polelo apene angali patikufimbilisigwa ukuyapo ilisiku lya Kalivari. Ululagilo lwapele ikyo. Loli, ukuya ukuti ikyene kyalyegile ilisiku lya Kalivari, kwali ko kutwala kila nkati, ukuti uswe tukabagile itolo ukuya bakipanga, loli ukuya banabalumiana na banabalindwana ba Kyala. Ikyo kyo iki ilisiku lya Kalvari lyali. Ikyo kyo iki ilyene lyaasanusyaga kwa ugwe, ukuti ugwe ubagile ukubomba, kangi ukukonga kangi ukubombela ngati Yeso.

<sup>121</sup> Lilino, ikisoko kitikubopa mmwanya nu kusuluka, pa kabalilo kamokene. Ijisoko kikubopa injila yimoyene popapo. Kangi u Mbepo gwa Kyala itolo ikubopa injila yimoyene. Umwene atikongania ifindu ni Mwene. Ikubopa injila yilayila.

<sup>122</sup> Ketesy়a Yeso, pakwigala. Yeso aatile, “Imbombo isi Une ngubomba mwisakubombaga umwe nanumwe, kangi inywamupo ukukinda sisisi umwe mwisakubombaga, kabuno Une ngubuka kwa Tata Gwangu.”

<sup>123</sup> Une ndikuyoba iki fiyo-fiyo ku kipanga apa. Umwe mukupilikisyā. Loli i Ndumi isi sikusimbīgwa pa tepi. Aba kalongo ba maelifu bikupilikisyā agene, ukusyungutila ikisu.

<sup>124</sup> Une nguyaga pakwamula ililalusyo lila ku ndondesyabusobi, lululu ulu. Une akabalilo kingi njobigwe...mbuligwe. Abene bikuyoba, “Nongwa ya fiki, ugwe kwitika i Bangeli? Yeso aatile, ‘Imbombo isi Une ngubomba mwisakubombaga umwe numwe, kangi inywamupo ukukinda sisisi umwe mwisakubombaga, kabuno Une ngubuka kwa Tata Gwangu.’”

<sup>125</sup> Ngimba bo bubibi bulebule ugwe ubagile ukuya, nkulumba? Ko kubutali bulebule ukufuma ku bumanyila-ngani ugwe ubagile ukwembela, ni bufundakyala bwako ubwamminogono, nu bupilikisyō bwa mubongo bwako ubwa kalikosa? Gwe mwinangu gwaipyana kangi gwe usobile, ngimba ugwe ukabagile ukuti i Bangeli ili lilanganisigwe mwambepo?

<sup>126</sup> Yeso alimpalisye Tata ukuti Umwene afisile Ilyene ukufuma ku bamanyi, na bakomu, na bamahala, na bigufu, kangi abagile ukusetula Ilyene ku banike babo babagile ukwisa ku Kalivari.

<sup>127</sup> Lilino ketesyā. Yeso aayobile. Ketesyā mumo Umwene aayililemo ikyene. “Imbombo isi Une ngubomba,” Umwene ikubomba isyene lilino. “Imbombo isi Une ngubomba lilino, ukubumbulusya ababine, ukusyusya abafwe, ukwigula amaso ga bafwamaso, imbombo isi mwisakubombaga umwe numwe. Umwe mwisakubombaga linga umwe mukwtika Une.

Umwe bomba imbombo isi. Kangi inywamupo ukukinda isi mwisakubombaga umwe, kabuno Une ngubuka kwa Tata Gwangu.”

<sup>128</sup> “Nkabalilo kanandi, kangi ikisu kisakusita kumbona Une kangi mma, loli umwe mwisakumbonaga Une. Une nguyaga na umwe, nankati myinu mope, mpaka kubumalikisyo bwa kisu. Une ndisakubaleka umwe kisitabusubisi. Une nisakusuma Tata; Umwene isakutumaga u Nsubisi uyungi, uyu yo Mbepo Mwikemo, yuyo ikisu kikabagila ukummwambilila; loli, umwe mubagile ukummwambilila Umwene.”

<sup>129</sup> Lilino kêtésya. Imbombo “ingulumbapo”, kwâli ko kuya na Maka mu Kipânga, komma kwene ukubumbulusya ababine nu lwípúto, ukukaga imisyêtáno nu lwípúto, lôli ukupa u Bûmi Bwasyêpwa ku bítiki. U Mbepo Mwikémo ïsága, nukupêgigwa mmaboko ga Kipânga, ukupa u Bûmi. O! Ikyo kyo iki Kalivari âsanusyaga. Ikyène kyâlyégile abîname, abaywélulígwa abanyâmbala na bakikúlu, kangi nukubafyûsyâ abène mbuyo, ukuya banabalumiana na banabalindwâna ba Kyâla, ukubümbulusya ababine nukupa u Bûmi Bwasyêpwa; ukwisila mu kubapa u Mbepo Mwikemo ku bítiki abapilikile, abanyâmbala aba akabalilo kamo bâli basitakwitika, ukupeligwa ukuya bítiki, nukupa ubwamwambopo, u Bûmi Bwasyêpwa.

<sup>130</sup> Bo bukulumbapo bulinga ubwene buli: Ukuyoba, “Unkikulu umbine uyu alambalele apa, une mbagile ukwiputa ulwiputo lwa lwitiko kangi umwene isakubumbulusigwaga,” ikyo kyo kindu ikikulumba, ikyo kyo iki Umwene abombaga akabalilo kala; “loli,” alinkuti, “ifikulumbapo ukukinda iki mwisakubomba umwe; Une nguyaga pakubapa umwe a Maka, komma kwene ukunsumusya umwene pa kabalilo, loli ukumpa umwene u Bumi Bwasyepwa, ubu bewisakuyaga Bwasyepwa, bwilanabwila.”

<sup>131</sup> Balondo, bafwamaso, bandu baelakisa, ngimba umwe mukupondwa bulebule ikyo? Ngimba umwe mukuketa iki ikindu “kikulumbapo” kili? Ikyo kyo kindu kikulumba ukukinda-fyosa iki kyabagile ukuboneka, ko kupa Bumi Bwasyepwa ku bandu. Ngimba u Bumi Bwasyepwa bo fiki? U Bumi ubu Umwene alitugele, u Bumi ubu bwali mwa Mwene, paga Bula ku bângi. Ngimba umundu abagile ukubomba ikyo? U Mwanundumiana gwa Kyala abagile ukubomba.

<sup>132</sup> Yeso ayobile, “Aligwesa uyu imbibe syake umwe mukusyumula, ku bene isyene sisymuligwe; aligwesa uyu imbibî syake mukukyunga, ku bene isyene sikukyungigwa.”

<sup>133</sup> Lilino apa po papo ikipanga kya Katolika kangi fingi ifingi fyatendike ubusobi ubunywamu. Abene bikubuka panja nukuyoba, “Une ngukuswa ugwe imbibe syako.” Ikyo kikali ikyene mma.

<sup>134</sup> Ngimba abene batwalaga bulebule imbibe ukuswegwa, mu i Bangeli? Peteri alyamwile ililalusyo ilyo, pa Lisiku lya Pentekosti. Abene balinkuti, “Ngimba uswe tubombe fiki ukuya bapokigwe? Ngimba uswe tubagile bulebule ukwega Iki kikyo umwe mwesa muli nakyo?” Umwene alinkwala pasi ubulagili bwa nkota. Umwene ababulile abene ikyakubomba.

<sup>135</sup> Umwene alinkuti, “Pinduka, aligwesa gwa umwe, ukwisa kwa Kyala, kangi osigwaga mu Ngamu ya Yeso Kristi.” Panongwa ya fiki? Ubsyumule bwa butulwanongwa bwinu. Apo po silipo “ingulumbapo” imbombo.

<sup>136</sup> Balinga, umwe balumbilili ulubunju ulu, balinga, umwe mukupilikisa ku Lisyu lyangu pa tepi ya magneto, mwiganile ukubuka ku Kalivari ulubunju ulu? Kangi keta iki Kyala abombile pala kuli ugwe. Kangi taga ifimanyisyo fyakipangakipagu ke kyako, kangi ukulumbilila i Nongwainunu. Aleluya! Ikyene kili mu mbupagato bwako lilino. Ngimba ugwe kubombaga fiki ni Kyene?

<sup>137</sup> “Kabuno ubupinduko nu busyule bwa mbibi bubagile ukulumbililiga mu Ngamu Yake, ku kisu kyosa ukwandila ku Yerusalem.” Haleluya! Lwimiko! Mwaketa lelo umwe.

<sup>138</sup> Ngimba u Kalivari ikusanusya fiki kwa ugwe? Ngimba ilisiku lila likubombaga fiki kwa ugwe? Ngimba ilyene lyakutendike ugwe ukulakilwa, ni fyakufundakyala fimo? Ngimba ilyene lyakutendike ugwe ukuya shati ya kulakilwa? Pamo ngimba ilyene lyakupelile ugwe ukuya Nkristi, ulisigwe mosa? Haleluya!

<sup>139</sup> Butulwanongwa, busyuligwe! “Imbombo ingulumbapo ukukinda isi mwisakubomba umwe.” Umwe mukuketa ywani a “ba umwe” bali, bule umwe? “Imbombo ingulumbapo ukukinda isi,” ukusyumula imbbe, mu Ngamu ya Yeso Kristi.

<sup>140</sup> Loli ukwisila mu fimanyisyo kangi ni fipaguko, na fyosa bo ifyo, ikyene kyo kikupinyile ugwe ku buyo, ugwe ukali kubombela ikisu. Mbula une unnyambala aligwesa, mbula une unkikulu aligwesa, abagile ukwisa ku Kalivari nukugela ukuya nywamu munduyumo panongwa yakuti umunduyumo ayobile ikindukimo. Mbula une kuko ugwe ubagile ukuketa nkisy o kya Kalivari, mbwelu bwake ubatalusye, ilisiku lila mu Kalivari. Ngimba ubagile bulebule ukuya ni lisiku lyako pa Kalivari, nukusoka panja uli shati ya kulakilwa? Ngimba ugwe ubagile bulebule ukusoka panja yo ngoza gwa kipanganio kimo, nukulumbilila ifimanyisyo fimo ifitendekigwa-nu-mundu? Nongwa ya fiki ilyene litikulambika ugwe ku Lisyu lya Kyala? Linga ugwe gwabagilemo siku ukubuka kula, ugwe kusokaga panja gwalwiysiso. Ngimba ugwe ubagile bulebule ukuya kimo kindukimo ikinywamu mu kipanganio kyako, ni liyoya mu kitili kyako, akabalilo kako Yeso Kristi u Mwanundumiana gwa Kyala aliysisye Mwene ukubuka ku mbili untipuligwe, ukubuka

ku kisyo ikisweligwe, mpaka isoni nu lunyasyo? Kangi abene balimfulile imyenda losa, nukunkomela Umwene, pankyen pa kisu. "Ukupika isoni." Ngimba ugwe ubagile bulebule ukubuka ku Kalivari nukusokako kilikyo ikikindane ukukinda iki Umwene ali, gwalunyasyo, nkosity soni?

"O," ugwe kuyoba, "abene bisakungagaga une panja." Baleka abene bakukage.

<sup>141</sup> Yaga ni lisiku lyako ku Kalivari, Kyala isakuyaga ni njila Yake na ugwe. Unko une nandisyen kila kangi. Yaga ni lisiku lyako ku Kalivari, Kyala isakuyaga ni njila Yake na ugwe.

Unko uswe twipute.

<sup>142</sup> Ntwa, O Kyala, ega uswe twesa tusanuke tuye ba Kalivari lilino. Unko uswe tusokeko ku bwimwene, Ntwa, ulutende lwa bandu, ulutende lwa iki umunduyumo uyungi ikuyaga pakuyoba. Fiki, ikisu kyosa kyalinsekile Umwene, kilinkummugila Umwene. Loli Umwene ali mpilikile, ku bufwe. Umwene ali mpilikile, ku lunysyo. Umwene ali mpilikile, pope pasi pa sikali ya kiyabo.

<sup>143</sup> Kangi uswe tukusyagania ukuti akabalilo kako Setano atikile ikisu, umwene alinkuya ndagili kangi gwamaka nkisu iki. Umwene alingenie kilakila pakyene pa Ntwa gwitu, nukuti, "Ifitangalala ifi fyangu. Une ngubombaga ni fyene iki une niganile." Kangi uswe tukusyaganana ikyo, ukufuma ilisiku lila ku ili, ikisu iki, pasi pa kigune, ikyene kilalagililigwe na yuyo uyu akigunile ikyene.

Loli, Kyala, O Kyala, uswe tukubombela i Kitangalala iki kikagunigwa.

<sup>144</sup> Tata Kyala, bo buswigisye buki ikyene kili, ukuti Ugwe ubombile ifindu fimo ififikulumba mu—mu kisu kya piicha umwisyugu. Ukwitikisya amapiicha amakulumba, ngati *Ingomelesyo Kalongo*, na fyosa bo ifyo, ukusoka panja, ukubaleka abanyambala na bakikulu bakete, aba angali batikufitisya ni kifigo kya kipanga, loli ukubaleka abene bamanye iki ikyene kili. Injila ya Kyala yo njila ingaanigwe, ni kisu. Panongwa yakuti uswe tuli ngati... Uswe tukubuka mu Russia pasi pa kikomyunisti.

<sup>145</sup> Uswe tuli nkisu iki, loli uswe tukaya ba nkisu iki. Uswe tubukile ku Kalivari. Uswe twikomelile twibene, panongwa ya Kitangalala kya Kyala, ukuya yumo mwa Bake. Kisita kupasya iki ikisu kikuyoba, uswe tukwega injila na abalumbusigwe abanandi. Uswe tukukindilila ku busyuke, kangi uswe tukwitika ukuti ikyo kyo lululu kifuki, Ntwa, mpaka akabalilo kako uswe twisakusyusigwaga ukubuka mu Kitangalala iki kisakupoka ikisu iki. Bo mumo Danieli aketile-ngani ikyene, kangi ikyene kyabongotwile ikisu kyosa mosa, ukuya lufumbi, kangi umbelo gulinkuluputa ulwene ukufuma ku lupalo lwa kabalilo ka

mfunjo. Loli, i kyamba, Ibwe lilinkukula ukuya kyamba ikikulumba iki kyakupilile ikisu. Ibwe lila lisakwisa. O Kyala, uswe tukulonda ukuya kiyabo kya ikyene. Unko uswe twipike twibene, tupimbege ikipingika kyitu, twitugalilege Kristi, twitugalilege abangi. Paga ikyene, Ntwa.

<sup>146</sup> Pabagile ukuyapo bamo apa ulubunju ulu, kangi aba bakammanyá Umwene ukuya Mpoki, kangi bikulonda ukukumbukilige mu lwiputo lwakwigala ulu, kangi mukulonda ili ukuya lisiku linu pa Kalivari, ngimba umwe mubagile ukufyusya ifiboko fyinu, nukuyoba, "Nyiputila une, Nkundwe Branham. Une ngulonda ukummanyá Umwene ukuya Mpoki gwangu." Kyala akusaye ugwe, mwinitu nnini. Umunduyumo uyungi? Kyala akusaye ugwe, nkundwe gwangu kunyuma kula.

<sup>147</sup> Ngimba pabagile ukuyapo umunduyumo uyungi? Yoba, "Une ngulonda ukummanyá Umwene. Une ngulonda ili ukuya lisiku ku Kalvari, kwa une. Une ngubiluka kangi ngatele. Ngimba bo bununu buki ubwa une ukusukulikila ukusyungutila apa ni kindu kilakila iki une napapiligwe ukubomba? Une napapigwe, napapigwe ukuya mwanundumiana gwa Kyala, kangi apa une ngwibaniila ku findu fya kisu. Kyala, unko une njego gwakukomeliga umwisyugu. Unko une nikomelele, umwisyugu, nimwene ni fundo, ukuti une mbagile ukwitugala na Kristi, nukwitugalila abangi. Kisita kupasya iki abene bikubomba kwa une, ukunyugila une, ukumfwima une, nukuyoba ifibibi fyosa ukulwana na une, ni findu, unko une itolo nukwilambika ngindililege, kangi nukwiyyula, bo kang'osi, bo mumo Umwene abombile. Kangi ilisiku limo, Umwene afingile ukusyusya une kangi, mu Lisiku lyabumalikisyó. Une nguketa ku Lisiku lila." Ngimba gabagile ukuyapo amaboko gakongelelapo gafyusigwe? Kyala akusaye ugwe kunyuma kula, kangi ugwe. Umma ndaga. Bomo abakongelelapo itolo... Kyala akusaye ugwe. Kyala akusaye ugwe. Bamo abakongelelapo, ikyo bo tukali ukwiputa.

<sup>148</sup> Tata gwitu Gwakumwanya, ikyene kyayobigwe, akabalilo kako Peteri alumbilile pa Lisiku lya Pentekosti, "Nu bwangi bwa aba balitike kwalyongelegelelwe ku Kipanga." Abene baloliloli balitike ni ndumbula syabo. Abandu aba babo bafyusisyé ikiboko kyabo, une ngusubila ukuti abene bitike ni ndumbula syabo syosya. Kangi linga abene babombile, kilipo ikitubwe kwa misi apa. Abene bikulonda imbi sila ukuhobokeliga. Alipo yumo apa uyu abagile ukubosya abene mu Ngamu yila, kangi i Ngamu ntiga iyi yilipo pasi pa Mmwanya yipecigwe pakati pa bandu, ukuti uswe tubagile ukupokigwa.

<sup>149</sup> Kabuno, bo une nalyandisyé i Lisimbo akabalilo kanini aka kakindilepo, ukuti, "Ubupinduko nu buswe bwa butulwanongwa bubagile ukulumbilige mu Ngamu Yake, ku kisu kyosa, ukwandila ku Yerusalem." Kangi

ku Yerusalem, akabalilo kako ubupinduko nu buswe bwa butulwanongwa bwalumbililige, untumigwa alinkubabula abene isya Masimbo, kangi balinkuti abene bikufimbilisigwa “ukupinduka, tasi, kangi polelo bosigwe mu Ngamu ya Yeso Kristi.” Yila yāli mbombo ya ndumbilili ukubomba. Ukuti abēne bapinduke, kangi umwēne abōsyē abēne ku busyumulo bwa mbībi syabo. “Aligwēsa yuyo imbībi umwe mukusyumula, ku bēne isyene sisyūlīgwe; aligwēsa imbībi syabo sikyūngīgwe, ku bēne isyēne sikyūngīgwe.”

<sup>150</sup> Tāta, ngimba bo bulebule ikisu kilinkwisamo siku pānja pa lyōyo limo bo mūmo abēne babōmbile? Fiki ukusita kwitika i Nongwainunu imbepe? Kangi abēne bikutwāla mula, panongwa ya ikyo, ikupyanikisania: ingamu insyobi, ulosyo ulusyobi, inyosyo sya Mbepo Mwikemo isyabusyobi, ukuponania amaboko na balumbilili, ukubōmbela amapalo ga Tāta, Mwanundumiana, Mbepo Mwikemo, iki kikayamo siku m'Masimbo; ikikalatasi iki kyatēndekīgwe na banyambala baRoma, komma ikimanyiso Kyakikristi nakumo mu i Bāngéli. Ubusyūle bwa mbībi bukabagila ukusyūLigwa ukwisila mmapalo, lōli mu Ngamu ya Yeso Kristi.

<sup>151</sup> Lilino, Tāta, uswe tumenye ikyēne kikaganigwa na bīngi. Injila Syāko siyile lūlo akabalilo kōsa. Lōli unko abanyambala na bakikulu, ulubunju ulu, ukwisa ku lisiku lila, ilisiku lila ku Kalivari. Kūko, Yeso, ukupīka ilisiku lila, ubukosyasoni bula, ukufūlīgwa imyenda, ukukekīgwa ntuyabo, ukuswēlīgwa na mata, nukūgilīgwa; ni kisu kyosa, ni kipanga, na bandu bābo babagile ukungana Umwene. Kangi, pōpe, mu fyōsa ifyo, Umwēne akāligwile akanwa Kāke, kangi alinkubūka nukufwila abandu bala aba bamūgililāga Umwene.

<sup>152</sup> Kyāla, ega uswe ku Kalivari ulubunju ulu. Kangi linga abene bikuyoba uswe tuli ni figili, abene bikuyoba uswe tusobisyē i Lisimbo, kilikyosa iki abene bikulonda ukuyoba, Kyāla, abene bakabagile ukwima mu Kuyapo kwa Kyāla kangi nukuyoba ikyene kyo kisobi.

Abēne bakabagila ukukupilila imbībi syabo ni Bāngéli. I Bāngéli likukupula imbībi syābo: ubusitakwitika bwābo; ukuya bafumuke; ukubōmba ngati abāngi ba kilundilo. Bitikisya abene bisēge ku Kalivari ulubunju ulu.

<sup>153</sup> “Kangi ukwanda ku Yerusalem; ukuti ulupinduko na kusyūla kwa mbībi kukufimbilisigwa ukulumbililige mu Ngamu Yāke ku fisu fyōsa, ukwanda ku Yerusalem.”

Unko abēne bali egaga lilalila ilikato lwakukomeligwa ukukekigwa; nukuswēlīgwa mata; nukūgilīgwa; nukubilikigwa kilikyosa abēne babagile ukubilikigwa mu lukindi lwa basambuke babwīputi; abalāsule ba fipānga; kyosa abēne bikulōnda ukubilikila.

Tuli uswe, Ntwa, ulubunju ulu, egaga injila yītu na bānandi abatāgīgwe baNtwa. Tuli uswe endega bo batumigwa bābōmbile, komma ukusanukila ku kililo pamo kukimama, kangi ukufuma ku bund bwa ndumbula syītu ukumbōmbéla Kyāla. Pàga ikyēne, Tāta.

<sup>154</sup> Lilino, kubumbulusya ababine na bonywa aba bikwisa mu lukindi lwa lwiputo. Ngusuma aba bikufyusya amaboko gabu, mu ndumbula syabo, bapindukege, lululu lilino. Abēne aba bīmile ku nyuma akabalilo katali fiyo, balisaga nakalinga ku mīsi nukuya ni mbībi syābo sisyūlīgwe pa Ngamu ya Likemo, Yeso Kristi, u Mwanundumiana gwa Kyala. Ameni.

Kula ku kipingika kuko u Mpoki gwangu  
alimfwilile,  
Kula kula panongwa ya kusukígwā ku mbībi  
une nakūtīle;  
Kula ku ndumbula yangu i Lilopa lyāpakígwē;  
Lwīmiko ku Yāke...  
Lwīmiko ku Ngamu Yāke!  
O, lwīmiko ku Ngamu Yāke!  
O, kula ku ndumbula yangu i Lilopa  
lyāpakígwē;  
Lwīmiko ku Ngamu Yāke!  
Une ne nubuswigisyo mbokígwē ukufuma ku  
mbībi, (Bulebule?)  
Yeso nubunyaafu ikwītūgála nkati,  
Kula ku kipingika kuko Umwene... (Yaga  
yumo gwa Bāke.)... nkati;  
O, lwīmiko ku Ngamu Yāke!  
Lwīmiko ku Ngamu Yāke!  
Lwīmiko ku Ngamu Yāke! (Imbala Ingamu!)  
O, kula... ndumbula yangu i Lilopa  
lyāpakígwē;  
Lwīmiko ku Yāke...

<sup>155</sup> Ngimba ikyo kitikubōmba itolo ikindukimo kwa ugwe? Itolo kikukulukuta ugwe mōsa. Kikubīka ulusūbilo mwa ugwe: Būmi, Būmi Bwasyēpwa.

<sup>156</sup> Kyo fiki “ukukomeligwa na Kristi”? Ko kwitūgalila abānga. Lo luko luki ulwa bāngi? Bala bābō bikukubēngā ugwe, bala bābō bakabagile ukukugana ugwe, bala bābō babagile ukukūgīla ugwe: itūgalīla abēne; yaga na bēne; bagana abēne; “bīputila bala bābō nakabini bikukubōmbéla ugwe, bikuyoba uluko lōsa lwa bubibi nubusyobi, panongwaya Ngamu Yāngu. Abēne bafwīmīle abasololi aba bāli pankyenī pa umwe.”

<sup>157</sup> Une ninogonága i ndumi angali lumo yitūlile i kipanga ulubunju ulu, ukuti umwe mwabagile ukukibona ukuti uswe tukufumbwa u Kalivari, uswe tukufumbwa ubukomeligwe.

<sup>158</sup> Lilino ngimba kyo fiki iki ikyene kibombile? Ikyene kyo kyosa kihombigwe. Kalumbu mu kikota kya njinga, ku bandu apa aba bo babine kangi bonywa: Ikyene kyo kyosa kihombigwe; ikindu kyene ntiga ugwe kufimbilisigwa ukubōmba ku kwitika ukuti ikyēne kyo kyāko; itika ikyene mu njila yilayila, kangi ugwe kwisakubumbulukága.

<sup>159</sup> Kumbukilaga: Lilino fyo fiki ikyene? Ugwe ubagile ukubuka ku kisu, ukulūmbilila i Nongwainunu, ukubumbulusya ababine; ukupa u Būmi Bwasyēpwa.

Bo bukumbapo buki ikyēne kibagile ukuya: ikya, apa pali unnyambala alambalele apa ni—ni lyūlu, kansa, kilikyōsa iki ikyēne kili. (Uswe tumbwene Umwēne utubalilo twingi fiyo ikupa isayo Syāke nukubūmbulusya u mnyāmbala, ukumbumbulusya unkīkúlu; abakalongo ba maelifu ukubāsania na maelifu ga bāndu ababine abasitakutoligwa ukusyungutila i kisu, muketile, abasosisyémo abēne ukufuma mu fikota fya njinga, ifitala fya njinga; itolo imisyūngúlu gya bāndu balyékigwe na kansa; umwisyúgu, bali kanunu, bāndu bakafu.) “Imbombo isi Une ngubomba mwisakubombaga umwe numwe; loli inywamupo ukukinda sisisi umwe mwisakubombaga”: “ukukinda sisisi,” bo bwanaloli.

Fiki? Une nabapele abēne ukongelelápō kwa bumi, ukwisila mu Ngamu ya Yeso, ukongelelápō ubūmi bwābo ku masiku manini.

Lōli, “Ukukinda iki umwe mwisakubōmbaga, umwe mwisakubapa abēne u Būmi Bwasyēpwa ukwisila mu Ngamu Yāngu.” Whuu!

<sup>160</sup> Nongwa ya fiku ugwe kuyaga gwasoni ni Ngamu imbala yila? Nongwa y fiki abāndu babagile ukuleka ikyēne nukugomokela nyuma ukufuma ku kyene? Ikyēne yo mōhési. Naloliloli.

<sup>161</sup> “Ulupinduko nu busýüle bwa butulwanongwa bukufimbindigwa ukulumbililigwa mu Ngamu Yāke kyōsa ku kisu, ukwandila ku Yerusalem.” Kula ko kūko i Ndumi yabükile panja tāsi. Ngimba ikyo kitalusye? “Ulupinduko nu busýüle bwa butulwanongwa bulūmbililigwege mu Ngamu Yāke, ukwandila ku Yerusalem.”

<sup>162</sup> Lilino, ikyākwānda, uswe twisakubōmba mūmo Umwēne ābōmbile: ukuya nu lwípúto ukubūmbulusya ababine.

<sup>163</sup> Ikyakukōnga, uswe uswe twisakuyaga ni kikūngilwa ikikulumbapo: Amisi gitēndekisyé, kunyuma apa, kuli balibōsa aba bikulōnda ukōsigwa (gilipo imyenda muno igya bakīkulu, imyenda mu igya banyāmbala), gimile gitēndekisyé kuli ugwe ukuya ni mbībi syāko sisyūlígwe; panongwa yakuti kumbukilága, ukuti ugwe ubagile itolo ukuya ni mbībi syāko sisyūlígwe ukufwana nu bumanyisi bwa i Bāngéli. “Kabuno

yikayapo ni Ngamu iyingi pasi pa Kumwanya yipēgígwe pakati pa bāndu, kūko umwe mubagile ukupokigwa.”

<sup>164</sup> Pauli ālyāgéné na bamo aba bātalile bālyōsígwe. Kangi abène baywēgága, bāli nu bupōnjoli. Umwène alinkuti, “Ko ku fiki ngima umwe mwālyōsígwe?”

Abene alinkuyoba, “Kwa Yohani.”

Umwène alinkuti, “Yohani ōsyága ku lupīnduko.” Lilino, pilikisa iki: ku lupīnduko, komma ku busyüle bwa butulwanongwa. Balinga bakupilikisa ikyo? Komma ku busyüle bwa butulwanongwa. Abène balyōsigwe lōsa kanunu, ku lupīnduko. Abène bapīndwíke: “Ena, nkulumba, une mbīndwíke. Une, ngwitika Umwène ikwīsa.” Abène balyōsigwe *ku lupīnduko*; uko ko kuti, “ukwitika pa Ntwa Yeso Kristi.”

<sup>165</sup> Polelo akabalilo kāko abène bāpilike *iki* (ukuti i Likemo lyātalile lyālisíle), abene bilyosigwe kabilis kangi, mu Ngamu ya Yeso Kristi. Kangi polelo, kwapēgígwe ku bēne, akabalilo kāko umwène alyālile amaboko pa bēne, u Mbepo Mwikemo; kangi abène balinkuyoba mu ndimi nukusolola.

<sup>166</sup> Lilino, ngimba ugwe kwāndlulága bulebule i Lisimbo lila? Ugwe kubika ulōbe lwāko pa buyo bumobwēne ntiga mu i Bāngéli kūko yumo āhobokeligmémo siku imbībi syābo, mu Lwitikano Ulupya, kangi ālyōsigwémo siku mu njila iyingi yiliyosa lōli mu Ngamu ya Yeso Kristi.

<sup>167</sup> Mbonesya une bumoywene u buyo mu i Bāngeli kuko aligwesa alyosigwemo siku mu Ngamu ya Tata, Mwanundumiana, Mbepo Mwikemo. Pamo twāla ku mesa yāngu i syāmbukulu, i syāmbukulu sya kipanga isi sikunāngísya kūko umunduyumo ālyosigwémo siku mu Ngamu ya Tata, Mwanundumiana, kangi Mbepo Mwikemo, mpaka ifyinja bamia batatu-ni-fyapamwanya ukufuma pa bufwe bwa ntumigwa gwabumalikisyo, akabalilo kako ikipanga kya Katolika kyāpanganicigwe.

<sup>168</sup> Lilino, une ndinagwe *Abata Bo-Akali-Nicene*, kangi i... bosa abasyambukulu, na filifyosa, mulamula mu bufundafunda bwāngu: isyaiyolo fiyo, ingemesigwe isyambukulu nkisu; ni sisimikisyo insitakutoligwa isi uswe tuli nasyo.

<sup>169</sup> Bala *Unjāti Gwītu Gwapandungu*, pamo i katekismu gwa kipanga kya Katolika, kangi kētésya abène, iki abène bikuyoba: “Bamo mwa baProtestanti lumo bisakupokigwa, panongwa yakuti abène naloli bikwinama ku kimanyisyo kya Katolika: Kabuno i Bāngéli lyābo likuyoba, ‘osya- mu Ngamu ya Yeso Kristi,’ lōli uswe twēgile ubusisya ukusosyapo iya ‘i Ngamu ya Yeso,’ nukubíka ubwēne pa ‘Tāta, Mwanundumiana, Mbepo Mwikemo,’ kangi abène bikwitikisyu ikyēne.”

Lilino, nnāngisya une i Lisimbo ili likulwana na ikyo.

<sup>170</sup> Kangi mwaketa umwe lelo. Kangi pope, ikisu kyapasi kikwinama kulakula ku kyene. Nongwa ya fiki? Abēne bakabukāmo siku ku Kalivari. Ikyo kyo kikyo. Abēne bakakibonāmo siku.

<sup>171</sup> Abene bisakukugila ugwe nukukubilikika ugwe... abene bias nukukubilika ugwe, "Mwikemo-mbunguluka," "Yeso mwene," kangi syosya ingamu isyabumilisi isi abene babagile. Ngimba bo bukindane buki ikyene kikupela iki abene bikukubilikila ugwe? Ngimba fyo fiki abene... Umwene ngimba ikupasya iki abene bikukubilikila Ugwe? Umwene akomeligwe. Umwene alitugalile Kyala, kangi Kyala mwene. Kangi linga u Mbepo yulayula, ali mwa Mwene, yo ali mwa ugwe, isakukupela ugwe ukubomba ikindu kilakila, ukupimba i Ngamu Yake. "Kilikuosa ugwe kubomba" (likuyoba i Bangeli) "mmasyu pamo mu mbombo, bomba ikyene kyosa mu Ngamu ya Ueso, kupaga ulutufyo kwa Kyala."

<sup>172</sup> Ko kugu ugwe kwega ikyabutatu, ikimanyisyo kya biputafiwani kila? Ukufuma mu katekisimu, kisita ukufuma mu i Bangeli. Ilisyu "butatu" likayobigwa nukuyobigwamu m'Masimbo gōsa ukufuma Bwāndilo ukubuka Busetuli. Pakayapo nakimo ikindu bo ikyo. Kukayako ni kindu nakimo bo kyala gwabutatu. Umwēne yo Kyāla, Kyāla ntiga, Kyala yumoywēne. Ayile akabalilo kōsa Kyāla yumoywene. Umwēne ābōmbile mbubombelambombo mutatu: Umwēne ābōmbile akabalilo kamo ngati Tāta, akabalilo ka Mōse. Umwēne ābōmbile akabalilo kamo mu mbili, ngati, Mwanundumiana, Yeso. Umwēne ikubōmba lilino ngati Mbepo Mwikemo. Loli ikyēne kyo Kyāla yumo. Yumo Kyāla, komma ni ngamu itatu mma. Mbubombelambombo mutatu, amapalo matatu mu Ngamu yimo: Yeso Kristi.

<sup>173</sup> Kilikyōsa ikitindane kyo bwiputafiwani; kangi une ngusuma kuli yumo ukunāngisya ikyo, linga ikyēne kikaya. Uko ko kutalusya. Une njobile iki ku fyīnja ukukīnda ifyīnja ukukīnda ifyīnja, kangi nayumo ākitwēle ikyēne pala, nalino (Muketile?), panongwa yakuti ikyēne kikabagila ukuya. Une ndinakyo i... apa lilipo i Bāngéli, ikyākwānda; kangi silipo pala isyambukulu isyaiyolo ukusisimikisya ukuti ikyēne kyo katikati kitalusye. Kangi nongwa ya fiki u mōhési itolo...? Une... Mulimōsa, i Bāngéli lyāyobile abēne bisakuyaga injila yila: "Ngimba abēne abēne bikwīsāga bulebule, pene pāpo Une ngubakwāba abēne?" Ikyo kyo itolo une mmenye kyosa kya ikyene. Ikyo kyo iki Yeso aayobile, popāpo...

<sup>174</sup> Une ndikuyoba ikyo ukuya... Linga une nāyobile ikyo, nukulūmbilila ubulumbilili bo ulu, une mbagile ukuya nsyobi gwapasi fiyo pakati pa umwe. Uko ko kutalusya. Une nguyoba ikyo panongwa yakuti Ikyēne bo Bwanaloli kangi Ubwene bo Bumi. Ba bwingi bwa bōsigwe mwa Kristi, bikufwala Kristi. Abēne bali nu Būmi, mu Ngamu Yāke.

<sup>175</sup> Uswe tukusuma mu Ngamu Yāke, londesyā mu Ngamu Yāke, ukulumbilila mu Ngamu Yāke, ukōsyā mu Ngamu Yāke, ikwitūgāla mu Ngamu Yāke, ukufwa mu Ngamu Yāke, ukubuka ku Mwanya mu Ngamu Yāke, ukusyūka mu Ngamu Yāke. “Ikikolo kyōsa ku Mwānya kipīgw’ingamu Yeso.” I Bāngéli lyāyobile lūlo: “Ikikolo kyōsa pa kīsu kipīgw’ingamu Yeso.” Umwēne alinkuti, “Une nālisile mu Yāngu . . .”

Ugwe kuyoba, “Ena, iyene yo Ngamu ya Tata.”

Tāta yikaya ngamu, ilyēne lyo lipalo. Umwēne alinkuti, “Une nālisile mu Ngamu ya Tāta Gwāngu, kangi umwe mukālinyāmbilile Une mma.” Lilino, ngimba yo Ngamu nki Umwēne ālisilemo? Uu-huu. Naloliloli, “. . . kangi umwe mukālinyāmbilile Une mma.”

<sup>176</sup> Popāpo mwaketa lelo umwe; ikyēne kyo itolo, ena, ikyēne kifisigwe ukufuma ku fisige fya bamahala na bayanja. Naloliloli, ikyēne naloli kili, uu-huu.

<sup>177</sup> Kango kula mu Busetuli, bo mūmo uswe twamanyisyile ilisiku lilingi: pala kilipo ikyaiyolo ikipanga ikyamalaya, iki kyo kipānganio ikyakwānda; kangi polelo umwēne āli ni kipāmbo kya banabalindwana aba bāpapīgwē ukufuma ku mwēne. Abēne bikubōmba ikindu kilakila, utuyilo tulatula. Umwēne yo lōsa ikumalikila mu Bebuloni, injila yilayila, ni . . . ni kipānga kya Roma ni bubūnganie bwa fipānga ifya—ifya fīsu; kangi pala umwēne alipo, lōsa ukumalikila, bōsa mi kindu kilakila, u bwāto bulabula.

<sup>178</sup> Lōli i Kipānga kya Kyāla (Haleluya!), ikyēne kyo Kipānga ikibilikīgwē-panja, kipagulīgwē. Ngimba i Kipānga kiyēngīgwē bulebule? Ngimba ugwe kumanyaga bulebule iki? Ngimba ubagile bulebule ugwe ukumanyamo siku iki ukuya Bwānalolí? Akabalilo kāko Kyāla ikusetula iki kwa ugwe. Ngimba bo bulebule—bo bulebule Abelō āmenye ikyēne kyāli kang’osi mbuyo bwa ma apulo? Ikyēne kyāsetulīgwē ku mwēne: “Nu lwītiko Abelō āpéle kwa Kyāla ilikemo ilinunupo ukukīnda.”

<sup>179</sup> Ukusuka pāsi pa Kyāmba Lwanduko, Yeso ikuyoba, “Ngimba abāndu bikuyoba une ne ywāni?”

Bamo balinkuti, “Eliya,” “Mōse,” na fyosa bo ifyo.

Umwēne alinkuti, “Lōli une ngubalālusya umwe, ‘Ngimba umwe mukuti une ne ywāni?’”

Peteri alinkuti, “Ugwe gwe Kristi, u Mwanundumiana gwa Kyala gwabumi.”

<sup>180</sup> Umwēne alinkuti, “Ugwe ukumanyilamo siku iki . . .” Mu njila iyingi (Une nguyoba iki, komma ukuya kinywamu, lōli ukutwalapo ifūndo): “Ugwe ukāmanyilémo siku iki mu semifinal yimo; u nnyāmbala yumo akākumanyisyémo ugwe iki; lōli Tāta Gwāngu, uyu ali ku Mwānya, asetwile kwa ugwe: ukuti UNE YONE (komma Tāta, Mwanundumian, kangi Mbepo Mwikemo,

lōli, Une ne Yeso Kristi). Kangi pamwanya pa lyālabwe ili (Ngimba ilyālabwe nki? Lilalila ili Abelo ābūkileko; pamwanya pa lyālabwe lilalila.), pamwanya pa lyālabwe ili, bwamwambepo ubusetiligwe u Bwānalóli bwa Kyāla, Une nisakuyēnga i Kipānga Kyāngu, kangi ifipata fya gehena fikabagilamo siku ukukitola ikyēne.” Uko ko kutalusya. Abēne bikugela ikyēne, lōli abēne bisakukitolamo siku. Muketile?

<sup>181</sup> Popāpo itolo būka ku Kalivari, yaga nkometiligwe, gomokaga, nukwēga injila yāko na banini abafūyigwe ba Ntwa, kindililága.

<sup>182</sup> Lilino, Ntwa, uswe tukubīka fyōsa ifindu kwa Ugwe. Une ngamanya, ukufuma ku kibugutila iki, iki kili muno. Une ngaya ni fūndo ya kumanya, Ntwa, pena pāpo Ugwe ubagile ukuestula ikyēne. Kangi lilino, Tāta Kyāla, une ndikusuma Ugwe ukubōmba ikyo mma. Une nkilāmbalīke itolo ikyēne mbupagato bwa bāndu. Pala abēne balipo. Iki kiliyaga Kalivari gwanaloli ulubunju ulu; kiliyaga ikyēne bukomeleligwe bwanaloli ku bwigwane-bwagwīmwéne, ni finyonywo-fyagwīmwéne, na kufindu ifinyiwāmu fyā būmi.

<sup>183</sup> Abanyāmbala baliyaga bakwiyūfyā, kangi bīganegē ukwēga injila na bafūyigwe banandi ba Ntwa. Baliendaga abēne nulwiyīsyo. Balipāougwāga abēne n’Kitangalala iki, i Kitangala kya Kyāla iki ikikulumba, iki kyo mbili gwamwambepo, umbili gwakumwanya gwa Kristi pa kīsu: “Nu Mbepo yumo uswe twēsa tōsīgwe mu mbili gumo.”

<sup>184</sup> Pàga ikyēne, Ntwa. Kali abēne batītu, bēlu, bāyelo, bafubifu, kilikyōsa abēne bo bali, banyāmbálá pamo bakikúlu, bapinyígwe pamo bābuke: uswe twēsa tupelígwe ukunwa ukufuma mwa Mbepo yulayula-gwapagwīmwene.

<sup>185</sup> Pàga ikyēne, Tāta, kangi kiliyaga ikyēne ni... pakati pa bīngi, ulubunju ulu, ukuti abēne bisakupilikisyā; ulīgulágā Ugwe ubupilikisyō bwābo. Polelo, ikyēne lisakuyaga ngati lisiku lipya ku bēne: ilisuba lisakubala, kangi ubwēlu ubwangi bwa fifundakyala fitendekigwa-na-bāndu fisakusāta ukuyōngā, kangi u Bwēlu bwa Kyāla bwisakubala pa njila syābo, nukulepulania ikikīngo iki kikukīngila nkati u Bwēlu ubumogi ubu. Kangi abēne babagile ukwēnda mu nsebwe-unkulumba gwa bwikemo, polelo, ukwitūgalila abāngi, bo mūmo Kristi ābōmbile.

<sup>186</sup> Lilino bo uswe tukutwālamo ulukīndi lwa lwīpúto, une ngusuma ukuti Ugwe kupakaga abambombo Bāko ulubunju ulu, twēsa ba uswe, yumo panongwa ya nnīne. Kangi pàga, umwīsyūgu, ukuti aligwesa umūndu umbine uyu ikwīsa mula ndukīndi lwa lwīpúto abagile ukubumbulusigwa. Baligomokaga abēne, bo undīndwana unsyumbutuka-fisige, nu ndumiana unnīni, kangi i... kangi unkikulu gwakikāngale yula, kangi—kangi Nkundwe Wright, na bīngi ba bala bābo bālisilemo mula, Ntwa, na mabonywa ni mbungo ni kindukimno iki abagāngā

bakabagila ukugāngula; kangi apa abēne balipo umwīsyūgu (itolo kifuki undungu ugu gukīndilépo), kangi apa abēne balipo, balikanunu, umwīsyūgu.

<sup>187</sup> Kyāla, balikilaniaga abanyāmbála na bakīkúlu apa nu lwītiko lulalula, bamenye ukuti abēne bikubūka ku Kalivari ukwakuya bakomeligwe ku minogono gābo ni fundo syābo ukuti abēne “bakindilepo ukubumbulusígwā.” Amaka aga gasyūsísyé Yeso ukufuma ku lipūmba galibapaga abēne ubūmi, ubūmi ubukulumba bwa lwītiko.

<sup>188</sup> Kangi polelo, nakalinga ukufuma apa, babīngi balīsaga ku kitubwi ku lōsyo. Uswe tukusuma mu Ngamu ya Yeso. Ameni.

<sup>189</sup> Lilino, uswe itolo tuli na maminiti malongo mabili ukwēndesya ulukīndi lwa lwīpúto nu bubōmbelo bwa lōsyo. Lilino uswe tukaya na makadi ga lwīpúto. Uswe twāgīle ukufuma mu ikyo, kangi uswe twisakugela ukukibōmba ikyēne mu ngomano ingulumbapo akabalilo kalikōsa uswe tukwānda. Une mbabūlile umwe mwēsa, uswe twakitwēle ikyēne pānja, uswe tulinakyo ikyēne pa tepi, kangi kulikōsa une ngubūko, amatepi gala gisakutumigwaga nkyēni.

<sup>190</sup> Ikimanyilo kikusosola kwene ku lusayo. Ifungo yāli, “Linga ugwe kwīputila ababine, bafikisyaga abāndu ukukwītíka ugwe.”

Une ndinkuti, “Abene batisa kunyitika une.”

Umwēne alinkuti, “Ugwe kwisakupīgwā ifimanyilo fibili, kangi ukwisila mu iki abēne bisakwītíka.” Ifimanyilo fyēndile ukwandisya nu kwandisya, ku fyīnja kalongo ukusyūngutīla ikisu, kisita kabalilo kamo ukutoligwa. Kisita butoligwe, napanandi, mwa ikyēne. Balinga bamenye ikyo ukuya kyābwanalolí?

<sup>191</sup> Ena, linga ugwe ubagile ukwitika ikika, polelo itika i Ndumi. Isyo syo syabwanaloli. Ikyene kikubonesya iyene. Kangi ngimba abagile Kyāla ukubīka mula i Ndumi (Kangi nukuyītikisya iyēne yiyege mbelelesye fiyo ngati lula, lōli iki...) nukubabūla umwe ikindeku kibagile ukuya kyābusyobi? Kyala atisakundeka une ukubōmba ikyo. Umma, umma. Umma, nkulumba. Une ngubabūla umwe u Bwānalolí.

<sup>192</sup> Lilino, mwēsa umwe mukulonda ukwiputililígwa, mu luko lumo, pa nkolofwa ugu apa, isaga kuno ku lubafu ulu, linga mwiganile, ukukilania pala, golokaga ku kililo. Kangi polelo ikyo kisakukwitikisya abāndu ukwisa ukukīnda bo uswe tukwīpūta. Polelo uswe tukwegaga a—a balumiana, abambilila-bahesya na bala bisakukētésya; kangi bo abene bikwisa apa, polelo pala pa lubafu ulu, uswe twisakubatwalaga abēne ukusyungutīla ku nyuma, nukubatwāla abēne ukukilania ikyēne. Aligwesa isakwīputililígwa.

<sup>193</sup> [Yumo ikuyoba kwa Nkundwe Branham—Nsimbi.] O, umma, une ngābōmbile. Mulimōsa, akabalilo kalikosa aka ugwe kulonda. Lukayapo lutamio. Ugwe ubagile ukuntwāla umwēne pānja, pamo ugwe... Une mbagile... ntwāla umwēne panja pala lilino, pamo panini ukufuma apa, akabalilo kalikosa umwēne ikulōnda, lukayapo ulutamio.

<sup>194</sup> Lilino, unko uswe tuyege itolo kimyemye mūmo uswe tubagilíle, ku maminiti amakonge amanandi. Une ngulonda mwesa ukuya mwinogonege lilino: Lilino ngimba kyo fiki i-fyo fiki i Bāngéli lyāybōle? “Ulwiguto ulwa lwitiko lukupoka ababine.” Ngimba balinga bamenyé ikyo kyo kitalusye? Balinga basimenye ukuti i Libangeli liyobile, “Ifimanyilo ifi fisakukongaga abene aba bikwitika. Imbombo isi Une ngubomba mwisakubombaga umwe numwe”? Kangi ngimba syaali mbombonki? Umwene ãyobile, “Une mbagile linga umwe mukwitika ukuti une mbagile ukubomba iki.” Ngimba ikyo kitalusye?

Ililalusyo lyāngu lya lyāliku? “Abene batisa kunyītika une.”

Umwene ayobile, “Ifika ifi fikupelaga abene ukwitika.”

<sup>195</sup> Lilino, linga umwe mukwītika, itēndekesyága: Iyi yo sala ya lubāngo lwīnu. Itolo mulamula ikyēne kyabagile ukuya ukufuma ku butulwanonga, ulwēne lo lufīngo lulalula ulwa Kyāla yulayula.

<sup>196</sup> Lilino, uswe tuli nagwe unnīni, unkīkúlu umbine apa, uyu ali nu lutamio lya mündā, ukufuma kula mu New Albany. Uswe tukuyaga pakwipūtila umwēne, ikyākwānda, ukuti umwēne abagile ukwāga ikyāke—ukwāga ikikota kyāke. Lilino, mwakimyemye, kangi aligwēsa, lilino. Une ngulonda abakundwe ukundula une, apa. Kangi unko uswe twinamisyé imitu gyitu akabalilo kanini, lilino, ku lwiputo.

<sup>197</sup> Lilino, Tata Gwakumwanya, ili lyāli Lisyu Lyāko. Une ngaya gwakumelelīgwa pa bubōmbelo ubu bwišakwegigwāga pa kyēne, lōli une ngumelelīgwa panongwa ya kulūmbilīla ikyēne. Kangi mmenye iki (kangi mmenye ukuti une ne nyāmbala gwa pakatikati-mbukusi lilino, kangi ilisiku limo ngufīmbilisīgwa ukuketesania na Ugwe): Une ndumbilile u Bwanaloli ukufuma mu ndumbula yangu. Ugwe umenye ikyene. Komma ukuya gwa lusalо, linga ikyo kyāli lūlo, Ntwa, polelo une ngufūmbwa ulupīnduko.

<sup>198</sup> Kangi Tāta, une ngusuma ukuti Ugwe kutūlāga, lilino, bo uswe tukubūka ukwīputīla ababine, inyīpūto syāngu sili amuligwāga, komma inyīpūto syāngu syene mma, Ntwa, lōli inyīpūto sya kipānga, bo abāndu abapelakisa aba... Bule linga uyu āli nkasi gwāngu imile apa? Bule linga uyu āli mwēne, itūgésye mu kikota kya njinga? Pamo ulilūmbu gwāngu? U māmba gwāngu? O, Kyāla, bumbulusya abandu aba. Bule Ugwe, Ntwa?

<sup>199</sup> Kēta, bīmīle mu lukīndi lwa lwīpūto: lutamio lwa ndumbula, kansa, ilyulu lyā kansa, uluko losa lwa mbungo nu bonywa. Bingi ba bēne bikwīsa (bamia bikuponesīgwa, ukufuma kunokuno kuno, Ntwa), kangi abēne bikukibona ikyēne, kangi abēne bikukītīka ikyēne, kangi abēne bikwīsa mu lukīndi ukwitikisya ulwābo. Abēne bikwīsa ku Libwe ilyabūmibūmi lilino, komma ku gwāmbombo Gwāko, lōli ku Mwanundumiana Gwāko, Yeso, Yüyo yo Ndongosi gwa Kipānga, u gwamwambepo, u Mundu uwgambutītu pakati pa uswe. Kangi bo uswe tukubūka, ukupa i Ngamu Yāke (Ugwe gwāyobile, “Mu Ngamu Yangu abene bisakusosyaga imisetano.”), Une ngusuma ukuti Ugwe kwāmulāga inyiputo syitu, mu Ngamu ya Yeso. Ameni.

<sup>200</sup> Lilino, aligwēsa yaga mu lwīpūto. Lilino, iki kyo kiyabo kyīnu, kyōpe. Ulu lo lwīpūto lwītu.

Lilino unkīkūlu unnini uyu abagile ukufwa, linga i Kindukimo kitikuntula umwēne.

<sup>201</sup> Balinga bammenye u Nkundwe Satdsklev? Nkundwe na Kalumbu Stadsklev? Une nābilikīgwe ukufuma ku Germany katatu ikilo kimo; umwāna gwābo āfwile. Abēne bālalusīsye, “Nkundwe Branham, uswe tukubwēne ugwe, ukwisila mwa Mbepo gwa Kyāla, kusyūsya abafwe,” (Abene bālimile balipo nukukētelela ikyēne. Muketile?) “kangi uswe tumenye ukuti ugwe gwe nsololi gwa Ntwa. Yoba itolo i Lisyu.”

Une ndinkuti, “Une ngabagila ukuyoba ilyene, pene pāpo ilyene libīkīgwe nkanwa kangu.”

“Isaga ku Germany.” Une ndinkusumuka nakalinga itolo. Kangi abēne balīngōlile pa fōni: “Ega i ndege ya jeti iyī yibagile ukukutwāla ugwe ku Germany mu sala ihano-na-yimo.” I jeti ya bābwīte iyī yābagile ukumbululusya une ku Germany ukwakusyūsya u mwāna umfwano. I jeti ya bābwīte yābagile ukwēga ukukīndapo isala ihano-na-yimo, ukufuma ku Louisville ukubuka ku Müchen, Germany.

<sup>202</sup> Une nābūkile nkati mula, nukuya pa mafūndo gāngu, kangi ndinkuti, “Tāta, ngimba une mbagile ukuyoba fiki? Yoba nkanwa kāngu.” Umwēne akālinyāmwile une. Une ndinkubūka panja ku mafēngéle, une ndinkuti, “Tāta, ngimba une mbagile ukuyoba fiki? Bīka amasyu nkanwa kāngu. Une nisakubükāga paitolo, linga umma.” Une ndinkugomokela, Umwēne akālinyāmwile une. Ndikwīsako. Ukukīnda ikilo une ndinkwīpūta, “Ntwa, bīka amasyu nkanwa kāngu.” Nakimo kyālyāmulīgwe.

<sup>203</sup> Ulubūnju ulukōnge unkasi gwāngu alinkusumuka. Akabalilo kako umwene āsōkilépo, Lisyu (Une ndinkwīma mmwanya), Umwēne alinkuti, “Komma ukukikemela iki. Iki kyo kiboko kya Ntwa.” Ah-ha.

Polelo nakalinga ku fōni: “Une ngabagila ukwīsa. Umma, iki kyo kiboko kya Ntwa. Une nguyaga nkanisígwe.” Umwe muketile go maka maki galimo mu lukemelo lula? Akabalilo kāko Kyāla āyobile, “Komma ugwe ukubōmba ikyo, kabuno ikyēne kyo kiboko kya Ntwa.”

<sup>204</sup> Lilino, Mōse, akabalilo kamo, ābūlìgwe komma ukubōmba ikindukimo, alinkubūka nukubōmba ikyēne mulimōsa. Umwe mukukūmbukíla? Popāpo une—une ngābükile mma.

<sup>205</sup> Kangi une mbagile ukutwāla kwa umwe ubuyobelo ukunāngisya isya bāndu bana abakindanekindáne, aba, bayobigwe ukuya bafwe na bagānga, ukufuma pa lwipúto nu lukemelo lwa bufwe. Muketile? Uswe tukwīma nkati mula ukukemela ikīndu kila. Kangi linga Kyāla ākupéle ugwe amaka ukubōmba ikindukimo, ugwe kinunupo gwāndége uyege gwakupākisyá iki ugwe kubōmba. Muketile? Ugwe kinunupo gwānde-... Umwēne āyobile, “Komma...”

<sup>206</sup> Lilino, kumbukilaga, ikyo kibagile ukusita kwitugasya na umwe kanunu, loli kwa une, ikyene kyasanwisye ikindukimo. Muketile?

“Komma ukukikemela iki.” Nalōli ilinyafu, ilyakisa Ilisyu (kifuki sala yabuhano-na-yimo-na-sinda, une ngusubila akene kāli, buhano-na-yimo-na-sinda ndubunju) lilinkuti “Komma ukukikemela iki. Īki kyo kiboko kya Ntwa.”

Une ndinkuti, “Ndaga ugwe, Tata. Ndaga ugwe, Ntwa. Une ndisakubomba ikyene mma.”

<sup>207</sup> Linga Umwene ayobile, “Kemela iki. Uyu yo ndugu ingililemo mula.”

Une angali nguyoba, “Unko uswe tubuke.” Kangi ikyene angali kibombigwe.

<sup>208</sup> Akabalilo kako undumiana unnini yula kula mu Finland alambalele pala, mfwano, atyekenywiye mosa, komma ni kifupa ikinunu mu mbili gwake, u Ntwa alinkuyoba kila kyali kiboko kya Setano, “Kemela ikyene.”

<sup>209</sup> Kangi une ndinkuti, “Bufwe, ugwe ukabagila ukunkolelela umwene. Ntwala umwene ngomokesya, ndeke umwene ayege mwabuke.” Pala, umwene alinkunyela pa malundi gake, ali kanunu, nalimo nilifupa nalimolyene likonywiye mu mbili gwake. Ilyo lyo Lisyu lya Ntwa. Une ngabagila ukubombela imbombo i Lisyu lya Ntwa mpaka i Lisyu lya Ntwa likwisa kwa une.

<sup>210</sup> Loli mu Lisimbo, i Lisyu lya Ntwa limbele une ululagiligwe ukwiputila abandu ababine aba; libapele umwe ululagiligwe ukwiputila abene. Lilino, “ulwiputo ulwa lwitiko lukupoka ababine;” unko uswe twipute, umwe inamisye imitu ginu; uswe twisakuketaga iki Umwene ikuyoba, bo umwe mukukindamo.,

<sup>211</sup> Ugwe uli Nkristi, bule ugwe? Ugwe kwitika ni ndumbula yako yosa ukuti Yeso ikukupelaga ugwe ueye kanunu? Uli nu lutamio lwa munda; ukubilwe nu lwene ku fyinja, kalumbu. Lilino, ugwe kuyaga kanunu, linga ugwe kwitika.

<sup>212</sup> Lilino, Ntwa Kyala, unkikulu unkeke uyu ikufimbilisigwa ukufwa pene papo Ugwe kuntulaga umwene. Lilino une ngusuma, bo une ngunketa umwene, une ndinkuyibonapo inongwa iya umwene ukufwa.

Kangi une ngwipilika mwa mbepo gwangu, Ntwa, ukuti ubwene bo bwigane Bwako ubwitikisigwe, lilino, ukuti une ngemele iki: Setano, mwabula umwene!

Mu Ngamu ya Yeso Kristi, umwene aliyaga kanunu, isege ku kipanga iki, nukupa ubuketi ku lwimiko lwa Kyala. Ameni.

<sup>213</sup> Lilino, nubupepe na mumo kila kili, nkikulu, ugwe kuyaga kanunu. Ngimba kwitika ikyo nkundwe?

Ngimba umwe mukwitika pasi apa, ukuti umwe mukuyaga kanunu? Bukaga lilino, ukande ukulya kalikosa aka ugwe... ugwe polelo, kwisakuyaga kanunu.

Lilino, ugwe kugulila ukupa ikisu ubung'ong'onyale, nukusililisyia ikyene; ikyene kikupele ugwe ubung'ong'onyale, kangi kikukusililisyia ugwe. Lilino, u Kyala gwa ku Mwanya uyu ikusosyamo ubung'ong'onyale nkisu ukupa ubusyumule bwa butulwanongwa, ukwisila mu Ngamu yilayila, abagile ukupa ugwe ubusyumule bwa butulwanongwa, ukusosyamo ubung'ong'onyale ukufuma mwa ugwe, nukukupela ugwe ueye kanunu.

Itika Umwene abagile ukupela indumbula yila ukutikaga kanunu? Ugwe kwitika ikyo, ugwe kuyaga kanunu...?...

<sup>214</sup> Ntwa yeso, unkilkulu umpselakisa uyu ikufimbilisigwa ukulambalala nkikota ku bumi bwake bosa ubu busyele kangi polelo, nukusosigwamo. Loli uswe tukusuma ukuti amaka aga aga Setano gasosigwemo ukufuma mwa mwene. Umwene aliyaga mumi nukwenda nukuya itolo kanunu na mumo umwene ayilelemo siku. Uswe tukusuma ikyene mu Ngamu ya Yeso. Ameni.

<sup>215</sup> Ugwe kwitika? Ikyene yo mbombo imalisigwe, ikyene kibombigwe. Ngimba kitamisyé fiku? Kisita lutende, kisita nakimo...Kikali mma...? Ugwe gwâbumbulusígwe ukufuma ku kansa akabalilo kamo....?...Yaga mwâbûke, paga kilikyosa kwa Yeso.

<sup>216</sup> Ntwa Yeso, une ngwala ikiboko kyangu pa nkikulu uyu nukukemela ububine bwake. Une mmenye umwene yo Nkristi, umpsapigwe mwa Mbepo. Une ngukisosyapo ikyene ukufuma pa umwene, mu Ngamu ya Yeso Kristi i Ngamu inswigisye. Ameni.

<sup>217</sup> Ntwa Kyala, panongwa ya nkundwe gwake umpala, une ngusumila ubupoki bwake mu Ngamu ya Yeso. Ima pa ikyo. Ameni. Kisakubombigwaga.

<sup>218</sup> Ngimba ugwe gwitendekisyé ukwambilila ulubumbulusyo lwako, mwanundumiana? Ena, ikyene kibukile nkyene pa kiboko Kyake.

<sup>219</sup> Ntwa Yeso, ukufuma pa nnyambala unkeke uyu, yuyo ayobile, ukufuma kwa Ugwe, umwene ukusuma ukwambilila ububumbulusyo bwake. Ükuya ntumigwa Gwako, une ngubika amaboko gangu pa mwene mu Ngamu ya Yeso Kristi....?... Ameni.

Lilino, aligwesa itolo....?...lilino, ugwe itolo bilikila pa Ngamu Yake. Lilino, komma—komma kwa une....?...

<sup>220</sup> Tata Kyala, ukuya mwanundumiana mwene uyu akabalilo kamo aligemekisyé pa kipambaga kya nna, umwene ansubisyaga umwene kangi—kangi aliputile nu mwene nukukolelela akaboko kake akanini akabalilo kako umwene mwana umbugale. Lilino, Setano ambikile umwene mu nyuma ya bafigili. Kyala, umwene isile ku Kipanga kya Kyala gwabumi, i Kipanga iki kipapigwe ukufuma mwa Mbepo gwa Kyala, i Kipanga iki u Mbepo gwa Kyala ikwitugalamo, nukwipela Mwene ikumanyigwa. Kangi umwisyugu, nu lwiputo, uswe tukuponesya unkikulu yula ukufuma mu nyuma yafigili yila. Mu Ngamu ya Yeso Kristi, uswe tukusuma. Ameni.

Bukaga kukaya, ugwe guli kanunu mosa.

Ndaga ugwe panongwa ya kwisa, ukusumila kwa nyoko; uyo yo naloliloli mwanundiana.

<sup>221</sup> Ili lyo lisiku lya lubango lwako. Ntwa Yeso, panongwa ya nkikulu uyu, panongwa ya bupoki bwa ndume gwake nu lubango lwa mmilo gwake, ali ambililaga umwene ikyene mu Ngamu ya Yeso Kristi, Yuyo ikuyoba “ukwisa, itika ikyene lilino,” kangi ikyene kyo kyombo ikimalisigwe.

<sup>222</sup> Ntwa, abaganga bayobile, Ntwa, ikyene kili mu mbili gwake, kikwisa nkisige kyake. Umwene isile ukuponesigwa, pamwanya ukukilania pa kigemo iki, bo i Kipanga ikikemo iki kikwiputa, une ngusuma u lubango lwake mu Ngamu ya Yeso Kristi, imbungo iyi yisakusokamo mu mbili gwake. Iyene yo mbombo immalisigwe.

Panongwa ya mwanundumiana gwake, une ngusaya akafunga aka. Ukupilika kangi akayilo akatalusye filigomokelaga ku mbulukutu yake....?...

<sup>223</sup> Lilino i Kipanga kikuyoba; lilino i Kipanga kyo Mbili gwa Kristi ugwambutitu. Uswe twesa tukukwiputila ugwe. Uketile? Uswe tutiku—uswe tutikufumusya ukuya nkisu kangi mma. Uswe tutikuyoba isya kuswiga kuko uswe tukubuka. Uswe tuyagile i Njila. Uswe twapapigwe mu Njila yila. Uswe yuswe

Kipanga kya Kyala Gwabumi (kiyabo kya ikyene); ena, ikyene kyo kibalanile nkisu kyosa. Loli iki kyo kabugutila ka bene. Ümwisyugu, uswe palikimo tukwisa mu Ngamu Yake. Uswe tukwisa ukubomba iki Umwene aayobile, bomba. Iki Umwene akabagila ukusetula akabalilo kako uswe tukwisa palikimo. Ukwiputila ababine, bika amaboko gabu pa bene, “ulwiputo lwa lwitiko lukupoka ababine.”

<sup>224</sup> Imbungo yāko iya ndumbula yilikulekaga ugwe. Mu Ngamu ya Yeso Kristi, une ngupilikila ubutumigwe Kyāla ālimbele une...?... 

*ILISIKU LILA PA KALIVARI* KYA60-0925  
(That Day On Calvary)

Ubulumbilili ubu butwalicwe nu Nkundwe William Marrion Branham, ubu pakwanda bwatwalicwe nki Ngereza pa Ndungu kulubunju, Seputembala 25, 1960, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbicwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## **Ukusasania isya kwegwelelakwegelela**

Ukusoka isya kwegelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimbingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)